

გაზეთი ბეჭდის, „ვერსიას“ ერთი

ვერსია



№8 (1550) 24 – 30 მარტი ოთხშაბათი 2021 წელი

1 ლარი

ყოველკვირეული საზოგადოებრივ-პოლიტიკური გაზეთი www.versia.ge

თენგიზ ცერცვაძე: „ვაქცინაცია არ არის უსაფრთხო, მებრამ...“



რამდენი ხნის შემდეგ უნდა აიცრას კოვიდგადატანილი ადამიანი და როდის დავუბრუნდებით ნორმალურ ცხოვრებას

ახალი გადაწყველება მედიამაზარზე



რა მიზნით გაერთიანდნენ „რუსთავი 2“ და „პრაიმტაიმი“

ოპოზიცია საგანგებო რეჟიმის ექსკლუზიური დეტალებით



ბაჩო დღლიძე: „15 მაისს, რუსთაველის გამზირი ხალხს ვერ დაიტევს!“



რატომ უნდა აშენდეს დიდი ჰესები საქართველოში

დავით მირცხულავა: „ვერ ნახავთ მსოფლიოში ქვეყანას, რომელსაც ასეთი ჰიდრორესურსი ჰქონდეს და არ იყენებდეს!“

უკრაინაში ორი ქართველი „კანონიერი ქურდი“ დააკავეს

ქმარბა ცოლს ჯერ ძილის წამალი დააღვინა, შემდეგ კი თბილისის ზღვაში დაახრჩო



ოჯახური დრამა, რომელმაც მთელი საქართველო შეძრა

გახარდა „ფოკუსი“



რატომ წავიდა და რატომ ბრუნდება პოლიტიკაში – რას შეცვლის ექსპრემიერის „მეთრედ მისვლა“

პოლიციის ავტოპარკს 225 ახალი ავტომანქანა შეემატა



შინაგან საქმეთა სამინისტროში, საპოლიციო ინფრასტრუქტურის განახლების პროცესი გრძელდება – პოლიციის ავტოპარკს 225 ახალი ავტომობილი: „შკოდას“ მარკის, „სედანის“ ტიპის 175 ავტომობილი და „კია ნიროს“ მოდელის 50 ჰიბრიდული მანქანა შეემატა. ახალი ავტომობილებიდან, არც ერთი არ არის განკუთვნილი სამინისტროს ხელმძღვანელი პირებისთვის.

ავტომანქანების გადაცემის ღონისძიება თბილისში, შინაგან საქმეთა სამინისტროს ადმინისტრაციული შენობის მიმდებარე ტერიტორიაზე გაიმართა. ღონისძიებას მინისტრის მოადგილეები: ვლადიმერ ბორცვაძე და გიორგი ბუთხუზი, ასევე, საპატრულო პოლიციის დეპარტამენტის დირექტორი, ვაჟა სირაძე დაესწრნენ.

ახალი ავტომობილები გადაეცა პოლიციის დანაყოფებს თბილისსა და რეგიონებში, ასევე, საპატრულო პოლიციის დეპარტამენტს. საპატრულო მანქანების ავტოპარკის განახლება ხელს შუნყოფს მომხდარ დანაშაულზე პატრულ-ინსპექტორების დროულ და ეფექტიან რეაგირებას, ასევე, დანაშაულის პრევენციას.

საპოლიციო ინფრასტრუქტურის განახლების მიზანი, საპოლიციო საქმიანობის ეფექტიანობის ამაღლება და პოლიციელების სამუშაო პირობების გაუმჯობესებაა. შინაგან საქმეთა სამინისტრო რეგულარულად აახლებს თავის ავტოპარკს. სამინისტრო მომავალშიც გააგრძელებს საპოლიციო ინფრასტრუქტურისა და აღჭურვილობის განახლება-გაუმჯობესების პროექტებს.

პოლიციამ აჭარაში ნარკოტრეფიკანტი დააკავა – ამოღებულია განსაკუთრებით დიდი ოდენობით სხვადასხვა სახის ნარკოტიკი



შინაგან საქმეთა სამინისტროს აჭარის პოლიციის დეპარტამენტის თანამშრომლებმა, ჩატარებული ოპერატიულ-სამძებრო და საგამოძიებო ღონისძიებების შედეგად, თურქეთის რესპუბლიკის მოქალაქე, 1973 წელს დაბადებული ა.ბ., დიდი და განსაკუთრებით დიდი ოდენობით ნარკოტიკული საშუალებების უკანონო შექმნა-შენახვასა და გასაღების ბრალდებით დააკავეს. დანაშაული 5-დან 20 წლამდე ან უვადო თავისუფლების აღკვეთას ითვალისწინებს.

სამართალდამცველებმა მოსამართლის განჩინების საფუძველზე, განახორციელეს ბრალდებულისგან ნარკოტიკული საშუალების საკონტროლო შესყიდვა და აღნიშნული შესყიდვის ფარული აუდიო-ვიდეო ჩანერა.

ბათუმში, ბრალდებულის დროებითი საცხოვრებელი სახლის ჩხრეკის შედეგად, სამართალდამცველებმა ნივთმტკიცების სახით ამოიღეს „ბუპრენორფინის“ შემცველი ნარკოტიკული საშუალება „სუბოქსინის“ 502 აბი, „მეტამფეტამინის“ შემცველი 13 გრამი ნარკოტიკული ნივთიერება, ასევე, 849 აბი და 12 ნატეხი „მდმა“. გამოძიება საქართველოს სსკ-ის 260-ე მუხლის მე-3, მე-4 და მე-6 ნაწილებით მიმდინარეობს.

შავ ზღვაში ნატო-საქართველოს ერთობლივი საზღვაო წვრთნები ჩატარდა



შინაგან საქმეთა სამინისტროს სასაზღვრო პოლიციის სანაპირო დაცვისა და ნატოს ხომალდებმა შავ ზღვაში ერთობლივი საზღვაო წვრთნები ჩაატარეს. სწავლება ნატოს მუდმივმოქმედი მეორე საზღვაო შენაერთის (SNMG2) საპორტო ვიზიტის ფარგლებში განხორციელდა. ერთობლივ საზღვაო მანევრებში მონაწილეობდა შინაგან საქმეთა სამინისტროს სასაზღვრო პოლიციის სანაპირო დაცვის დეპარტამენტის აილენდის კლასის ხომალდები – „დიოსკურია“ და „ოჩამჩირე“ და ნატოს მუდმივმოქმედი მეორე საზღვაო შენაერთის ხომალდები: REGINA MARIA (რუმინეთი), KEMALREIS (თურქეთი) და „SMELI“ (ბულგარეთი). წვრთნების მიზანია, საქართველოსა და ალიანსის წევრი და პარტნიორი ქვეყნების საზღვაო ქვედანაყოფებს შორის ურთიერთთავსებადობის დონის ამაღლება. კოორდინირების პანდემიის ფონზე, ნატოს მუდმივმოქმედი მეორე საზღვაო შენაერთის ვიზიტი საქართველოში, ჩვენი ქვეყნისადმი მხარდაჭერის მკაფიო გზავნილია. მნიშვნელოვანია, რომ ნატოს საზღვაო შენაერთის ვიზიტები საქართველოს შავი ზღვის პორტებში რეგულარულ ხასიათს ატარებს, რაც შავი ზღვის უსაფრთხოების განმტკიცების კუთხით, ნატო-საქართველოს თანამშრომლობის ერთ-ერთი ხელშესახები შედეგია.

ერთობლივი წვრთნები საქართველოში დაავადებათა კონტროლის ეროვნული ცენტრის რეკომენდაციების სრული დაცვით განხორციელდა.

შს მინისტრის მოადგილე ალექსანდრე დარაბევიძე, დისკრიმინაციის ნიშნით შეუწყნარებლობის მოტივით ჩადენილი დანაშაულის სტაბილური შესახებ გამართულ ღონისძიებაში მონაწილეობდა



შინაგან საქმეთა მინისტრის მოადგილე, ალექსანდრე დარაბევიძე, მონაწილეობდა ღონისძიებაში – „დისკრიმინაციის ნიშნით შეუწყნარებლობის მოტივით ჩადენილი დანაშაულის სტაბილური შესახებ მეთოდოლოგია: სიახლეები და უახლესი მონაცემები“.

2020 წლის 23 სექტემბერს, შინაგან საქმეთა სამინისტრომ, გენერალურმა პროკურატურამ, უზენაესმა სასამართლომ და სტატისტიკის ეროვნულმა სამსახურმა (საქსტატი), დისკრიმინაციის ნიშნით შეუწყნარებლობის მოტივით ჩადენილი დანაშაულის შესახებ მონაცემთა ერთიანი სისტემის შესაქმნელად, თანამშრომლობის მემორანდუმი გააფორმეს.

შინაგან საქმეთა მინისტრის მოადგილემ აღნიშნა, რომ დისკრიმინაციის ნიშნით შეუწყნარებლობის მოტივით ჩადენილი დანაშაულები, განსაკუთრებით ბოლო წლებში, შინაგან საქმეთა სამინისტროსთვის პოლიტიკის დონეზე იქცა პრიორიტეტულ მიმართულებად, რაზეც მეტყველებს სამინისტროს მიერ განხორციელებული არაერთი აქტივობა. ალექსანდრე დარაბევიძის განმარტებით, აქტიურად მიმდინარეობს შინაგან საქმეთა სამინისტროს თანამშრომელთა გადამზადება დისკრიმინაციასთან ბრძოლის მიმართულებით და ამ პროცესში, უწყებას აქტიურ მხარდაჭერას უცხადებენ ადგილობრივი და უცხოელი პარტნიორები. მინისტრის მოადგილემ აღნიშნა, რომ სამინისტროს თანამშრომლები, ასევე, აქტიურად არიან ჩართულნი საზოგადოებრივი ცნობიერების ამაღლების ღონისძიებებშიც.

ალექსანდრე დარაბევიძემ ყურადღება გაამახვილა ერთიანი სტატისტიკის შეგროვების შემუშავებული მოდელის მნიშვნელობაზე, რომელიც შესაძლებლობას იძლევა, დისკრიმინაციის ნიშნით ჩადენილ დანაშაულებთან დაკავშირებით სახელმწიფოს მიერ წარმოებული მონაცემები, კიდევ უფრო დაზუსტდეს და საერთაშორისო სტანდარტების შესაბამისი გახდეს. მინისტრის მოადგილემ, ასევე, ხაზი გაუსვა მემორანდუმის მონაწილე უწყებების ეფექტიანი თანამშრომლობის მნიშვნელობას და მსგავსი თანამშრომლობით მიღწეულ შედეგებზე ისაუბრა.

ალექსანდრე დარაბევიძემ მადლობა გადაუხადა ყველა პარტნიორ და დონორ ორგანიზაციას, რომლებთან თანამშრომლობის შედეგად, დისკრიმინაციის ნიშნით შეუწყნარებლობის მოტივით ჩადენილი დანაშაულის სტატისტიკის ერთიანი მეთოდოლოგია იქნა შემუშავებული.

ღონისძიება ევროპის საბჭოს პროექტის – „დისკრიმინაციის, სიძულვილით მოტივირებული დანაშაულისა და სიძულვილის ენის წინააღმდეგ ბრძოლა“ – ფარგლებში გაიმართა. აღნიშნული პროექტი 2018 წლიდან, საქართველოს შინაგან საქმეთა სამინისტროსთან მჭიდრო თანამშრომლობითა და ევროპის საბჭოს მხარდაჭერით ხორციელდება. პროექტი მხარს უჭერს დაინტერესებულ მხარეებს, სიძულვილით მოტივირებული დანაშაულის მონაცემთა შეგროვების მეთოდოლოგიის გაუმჯობესებაში.

ინტერვიუ

საუკუნეებია, ქრისტიანული სამყარო მეორედ მოსვლას ელოდება. ზოგს „მეორე მოსვლა“ ჩვეულებრივი ლეგენდა ჰგონია და მეტი არაფერი, მაგრამ ის, რაც რელიგიაში ვილაცებს მითი ჰგონია, პოლიტიკაში, უფრო კონკრეტულად, ქართულ პოლიტიკაში, ხორცშესხმული რეალობა ანუ საუბარი იმაზე გვაქვს, რომ ჩვენს ღვთისმშობლის ნილხვედრ ქვეყანაში, პოლიტიკოსების წასვლა და „აღდგომა“, ბოლო დროს, ჩვეულებრივ მოვლენად იქცა. შორს რომ არ წავიდეთ, აი, სულ რაღაც ორი დღის წინ, ექსპრემიერი გახარია „აღდგა“ (ისე, ერთი ჯერ ვერ ჩამოყალიბდა, სწორი ფორმა რომელია – „აღდგა“ თუ „აღსდგა“), თუმცა ვერ ვიტყვით, რომ პოლიტიკური „აღდგომების“ ფუძემდებელი გახარიაა.

ამ ტრადიციას საფუძველი – არც მეტი, არც ნაკლები – „ქართული ოცნების“ დამფუძნებელმა, მისმა ყოფილმა თავმჯდომარემ და ყოფილმა პრემიერმა ჩაუყარა, თუმცა საქართველოს პოლიტიკურ ისტორიას სხვა დაბრუნებებიც ახსოვს. აი, მაგალითად, ცხონებული ედუარდ შევარდნაძე, აღარაფერს რომ ელოდა, საბჭოთა კავშირის დაშლის შემდეგ, ისევე საქართველოს პირველ პირად მოგვევლინა. სხვათა შორის, მოქმედი პრემიერი, ირაკლი ღარიბაშვილიც ამ თანამდებობაზე მეორედ დაბრუნდა. რაც შეეხება გახარიას, ჯერ არ ვიცით, მისი პოლიტიკური მომავალი როგორი იქნება, მაგრამ მოცემულობა ასეთია – პოსტიდან წასვლის შემდეგ, გახარია ერთთვისანი ტაიმ-აუტი აიღო. 22 მარტს კი, მოულოდნელად, მედიის წინაშე გამოჩნდა და განაცხადა, არსად მივდივარ და პოლიტიკაში ვრჩები.

„დაგვიანებით, მაგრამ მაინც, გილოცავთ თქვენს პროფესიულ დღეს, ყურნალისტებო“, – ასე დაიწყო მედიასთან საუბარი ექსპრემიერმა და შემდეგ ის განცხადება გააკეთა, რომელსაც მთელი საქართველო თუ არა, პოლიტიკური სპექტრი მაინც ელოდა. კერძოდ, მან სიტყვა-სიტყვით თქვა:

„მიუხედავად იმისა, რომ ბევრი სხვადასხვა ჭორი ვრცელდებოდა, არსად წასვლას არ ვაპირებ, უფრო მეტიც, არც პოლიტიკიდან წავალ. რეალურად, გვემებს მიყვებით, რაც მოგვეცემს იმის შესაძლებლობას, რომ უახლოეს პერიოდში, ყველაფერი დეტალურად გაგიზიაროთ და მოგიყვებ. ყველა კითხვას პასუხი გაცემთ“.

რა გეგმას მიჰყვება ყოფილი პრემიერი? – ამას, როგორც დაგვიანონსა, უახლოეს მომავალში გავიგებთ, თუმცა მანამდე, მოდით, იმის შესახებ ვისაუბროთ, რაზეც პოლიტიკურ წრეებში საუბრობენ.

მოკლედ, დავიწყით იმით, რომ გადადგომისთანავე გაჩნდა ეჭვი თუ ვერსია, რომ მმართველი ძალისგან გამიჯნული გახარია, მალე დამოუკიდებელ პოლიტიკურ მოთამაშედ მოგვევლინებოდა ანუ საკუთარ პარტიას შექმნიდა. წელანდელი თქმისა არ იყოს, მართალია, ჯერ პარტია არ შეუქმნია, მაგრამ ღიად და პირდაპირ თქვა, პოლიტიკაში ვრჩები. შესაბამისად, ანალიტიკოსები ვარაუდობენ, რომ გახარია პოლიტიკაში დარჩენა ბევრ რამეს შეცვლის. კერძოდ, ის „თავის ტკივილი“, ერთდროულად, ოპოზიციისთვისაც იქნება და ხელი-სუფლებისთვისაც.

რატომ გაუჩენს გახარია ოპოზიციის ქართულ პოლიტიკას თავსატეხს? – ამ კითხვაზე სავარაუდო პასუხი ასეთია:

ვინმეს მოსწონს თუ არა, ფაქტია, რომ ყოფილი პრემიერი, ყველა ყაიდის მოქმედი პოლიტიკოსისგან განსხვავებით, ქარიზმატული ფიგურაა. ზოგს მისი სიღინჯე მოსწონს, ზოგს – სიხისტე.

ამასთან, ისიც უნდა აღვნიშნოთ, რომ „ფანები“ თუ არა, გახარიას მიმართ დადებითად განწყობილები ოპოზიციისთვისაც არიან. ყოველ შემთხვევაში, პირადად მე, ნაციონალური მოძრაობის არაერთი აქტივისტისა თუ რიგითი წევრისგან მომისმენია, ეგ სხვა „ქოცებს“ არ ჰგავსო.

ისე, თანამდებობიდან რომ წავიდა, ოპოზიციამ, მართალია, 2019 წლის 20 ივნისის მოვლენები, რომელიც ისტორიაში „გავრილოვის ღამის“ სახელით შევიდა,

გახარიას „ფოკუსი“



რატომ წავიდა და რატომ ბრუნდება პოლიტიკაში – რას შეცვლის ექსპრემიერის „მეორედ მოსვლა“

არ დაივიწყა, მაგრამ წინა პლანზე უფრო ის დააყენა, აი, გახარიას გადაწყვეტილებამ „ოცნების“ ჩამოშლა დაინყო და ეს ერთგვარი გმირობააო.

გმირობაზე საუბარი, ცხადია, გადამეტებულია, თან ახლა, როცა გახარია პოლიტიკაში დაბრუნებისთანავე, ოპოზიციამ რიტორიკა შეცვალა და პირდაპირ მიანიშნა, გახარია მმართველი გუნდის ახალი პროექტიაო. დაეუშვათ, ასეა, მაშინ გამოდის, რომ „ოცნება“ ერთგვარ რებრენდინგს იწყებს. ნებისმიერი გადახალისება, როგორც წესი, ცუდი არაა... ისე, ხმა დადის, რომ მოქმედი დეპუტატების ნაწილმა, შესაძლოა, გახარიას პარტიაში გადაინაცვლოს.

ამასთან, ერთი კვირის წინ, ისიც ითქვა, რომ გახარიას პოლიტპარტინორად, შესაძლოა, გიორგი ვაშაძეც ვიხილოთ. ამ ხმის საფუძველი კი ის გახდა, რომ გაირკვა: „სტრატეგია აღმაშენებელი“ ატარებდა გამოკითხვას, რომლის ერთ-ერთი კითხვა იმას ეხებოდა, თუ როგორ წარმოუდგენია ხალხს „აღმაშენებლის“ თანამშრომლობა, ვთქვათ, გახარიას პარტიასთან.

მართალია, ამ თემაზე „სტრატეგია აღმაშენებელში“ განმარტებები გაკეთდა, მაგრამ მაინც პასუხგაუცემელი დარჩა კითხვა – რატომ გადაწყვიტა ვაშაძის პოლიტორგანიზაციამ, რომ გამოკითხვაში მახვილი, ჯერ არშექმნილ პარტიაზე დაესვა?

ალბათ, მოვა დრო და ამასაც გავიგებთ... სხვათა შორის, 22 მარტს, გვიან საღამოს, ექსპრემიერმა კიდევ ერთი განცხადება გააკეთა, ოღონდ – ამჯერად, „ტვიტერზე“. კერძოდ, გახარია დაწერა:

„დღეს მე განაცხადებ, რომ საქართველოს პოლიტიკაში ვრჩები. ამჟამად, ვმუშაობ ჩემი პოლიტიკური დღის წესრიგის განსაზღვრაზე. საჭიროა პოლიტიკური პოლარიზაციის აღმოფხვრა და მისი ევროპული მომავლის რეალური დღის წესრიგის შემუშავება“.

ერთ სიტყვით, ყველანი ვხვდებით, რომ ქართულ პოლიტიკაში ახალი ერა იწყება, ერა, რომლის ფუძემდებლადაც, შესაძლოა, გახარია მოგვევლინოს. ეს, რა თქმა უნდა, პირობითი ნათქვამია, მაგრამ ახლა, ბევრი „ფოკუსიკობა“ არ სჭირდება იმის მიხედვრას, რომ გახარიას პოლიტიკაში დაბრუნება თუ დარჩენა, გარკვეული პოლიტიკური თამაშის ნაწილია.

რა არის ყველაფერ ამის მიზანი, ან ვინ არის სცენარისტი? – მოდით, მოვლენათა განვითარებას მივყვით და ყველა რეზუსი გზადაგზა ამოვხსნათ, მანამდე კი თვალის გახარიას პოლიტიკურ ბეგრაუნდს გადავა-

ვლოთ, რომელიც 2013 წლის მარტიდან იწყება ანუ 8 წლის წინ, ის საქართველოს ბიზნესომბუდსმენი გახდა და ამ თანამდებობაზე 2016 წლის ივლისამდე იმუშავა.

2014 წლის დეკემბრიდან 2016 წლის სექტემბრამდე კი გახარია ეკონომიკური საბჭოს მდივანი იყო; 2016 წლის 18-დან 30 ნოემბრამდე – საქართველოს მე-9 მონვევის პარლამენტის წევრი გახლდათ, პარტიული სიით, საარჩევნო ბლოკი – „ქართული ოცნება – დემოკრატიული საქართველო“.

2016 წლის 27-დან 2017 წლის 13 ნოემბრამდე, გახარია საქართველოს ეკონომიკისა და მდგრადი განვითარების მინისტრად მუშაობდა.

2017 წლის 13 ნოემბერს, გიორგი გახარია საქართველოს შინაგან საქმეთა მინისტრად ინიშნება. ასევე, იკავებს ვიცე-პრემიერის პოსტს.

2019 წლის 30 აპრილიდან 2019 წლის სექტემბრამდე, ეროვნული უსაფრთხოების საბჭოს მდივანი იყო.

სხვათა შორის, გიორგი გახარია პოლიტიკურ კარიერაში, ერთ-ერთი ყველაზე მძიმე, 2019 წლის 20 ივნისის, ე.წ. გავრილოვის ღამის სისხლიანი მოვლენებია, რა დროსაც პარლამენტის წინ შეკრებილ სამოქალაქო აქტივისტებს სპეცრაზმმა თვალეზი დასთხარა. გახარიას დღემდე არ გაუცია პასუხი კითხვაზე, თუ ვინ გასცა 20 ივნისს, მიტინგის დარბევის ბრძანება.

2021 წლის 18 თებერვალს, გიორგი გახარია მთავრობის ადმინისტრაციაში გამართულ საგანგებო ბრიფინგზე განაცხადა, რომ თანამდებობას ტოვებდა.

„იქიდან გამომდინარე, რომ სამწუხაროდ, ჩემს გუნდთან ერთად, ვერ მივალწი ერთობლივ აზრს ამ საკითხთან დაკავშირებით, მივიღე გადაწყვეტილება გადავდგე დაკავებული თანამდებობიდან... მინდა მჯეროდეს, რომ ეს ნაბიჯი ხელს შეუწყობს ჩვენი ქვეყნის პოლიტიკურ სივრცეში პოლარიზაციის შემცირებას, რამეთუ დარწმუნებული ვარ იმაში, რომ პოლარიზაცია და დაპირისპირება არის ყველაზე დიდი რისკი ჩვენი ქვეყნის მომავლის, ეკონომიკური და ყველა რისკის განვითარების“, – თქვა გახარია.

ისე, თავის დროზე, გახარია აცხადებდა, რომ გიორგი გახარია, „ქართულ ოცნებაში“, მისი რეკომენდაციით მივიდა.

ჩვენში დარჩეს და, დღეს ხუხამვილი ამბობს, რომ არ შეიძლება, გიორგი გახარია დამოუკიდებელი პოლიტიკური ფიგურა იყოს...

მართლაც და, რას გავუგებთ პოლიტიკას...

ახალი გადაწყვეტილება მედიაბაზარზე – რა მიზნით გაერთიანდნენ „რუსთავი 2“ და „პრაიმტიმის“

მანია მიშელაძე
593-51-90-12

სამაუწყებლო კომპანია „რუსთავი 2“ და „პრაიმტიმი“ ერთიანდება. სააქციო საზოგადოება „მედია ჰოლდინგის“ მიზანი სატელევიზიო ბაზრის ლიდერობაა. ჯერჯერობით უცნობია, როგორ გადანაწილდება წილები ახალ სააქციო საზოგადოებაში, თუმცა როგორც „რუსთავი 2“-ის გენერალურმა დირექტორმა, პაატა სალიამ „ვერსიასთან“ ინტერვიუში აღნიშნა, ამ ეტაპზე ეს არცთუ მნიშვნელოვანი საკითხია. გარდა ამისა, „რუსთავი 2“-ში უკვე დაბრუნდნენ მეგა-შოუების პროდიუსერები – დემნა ჯაფარიძე და გიორგი ხაბურძანია.

გაერთიანების პროცესი ჯერ არ დასრულებულა და ვინაიდან არც ის ვიცით, როგორ გადანაწილდება წილები ორ სუბიექტს შორის, საჯარო რეესტრის ჩანაწერებშიც არაფერი შეცვლილა. შესაბამისად, რეესტრის მონაცემებზე დაყრდნობით, „რუსთავი 2“-ის მფლობელი ისევ ქიბარ ხალვაშია, უფრო ზუსტად, ბიზნესმენი 60%-ს, მის საკუთრებაში არსებული შპს „პანორამა“ კი 40%-ს ფლობს, გენერალური დირექტორი პაატა სალიაა. რაც შეეხება „პრაიმტიმის“, აქ 50%-ს თავო ფხაკაძე, მეორე 50%-ს კი მისი მეუღლე – გიორგი ქუთათელაძე ფლობენ. კიდევ ერთი მნიშვნელოვანი დეტალი – ბიზნესმენი გიორგი კაპანაძე, მეტსახელად, „რიჟა“, „პრაიმტიმის“ დამფუძნებლის, თავო ფხაკაძის ახლო ნათესავია. ამბობენ, რომ „რუსთავი 2“-ს, „პრაიმტიმის“ სახელით, სწორედ „რიჟა“ აფინანსებს.

ვინ არის „რიჟა“

ბიზნესმენ გიორგი კაპანაძის შესახებ საზოგადოებაში თბილისის ყოფილი მერის, გიგი უგულავას დაპატიმრების შემდეგ შეიქცა. „რიჟა“ პროკურატურის „ოქროს მონქი“ გახლდათ – 2014 წლის ივლისში, უგულავა და მისი ყოფილი ქვისლი, გიორგი ლონიანიძე სწორედ კაპანაძის ჩვენებებისა და მისი დახმარებით მოპოვებული ფარული ვიდეორჩანაწერების შედეგად დააპატიმრეს.

წლების მანძილზე, გიორგი კაპანაძის სახელი უკავშირდებოდა საქართველოს უმსხვილეს საწარმოს, ზესტაფონის „ფეროს“, სილიკონბაზის წარმოებასა და რეალიზაციას. ამ ბიზნესს, „რიჟა“ თავის მრავალწლიან ბიზნესპარტნიორ ილია კოკაიასთან ერთად უძღვებოდა.

სხვადასხვა წყაროზე დაყრდნობით, წლების წინ, მედიაში გავრცელდა ინფორმაცია, რომ 2015-2019 წლებში, „რუსთავი 2“-ისა და ხელისუფლების დაპირისპირების პროცესში, სწორედ „რიჟას“ სახელი გამოიკვეთა. კერძოდ, სამაუწყებლო კომპანია „რუსთავი 2“-ის 9%-იანი წილის მფლობელის – ნინო ნიჟარაძის უკან, სინამდვილეში, „რიჟა“ იდგა. შეგახსენებთ, რომ ნიკა გვარამიას წინააღმდეგ საჩივრით, სასამართლოსა და პროკურატურას ნინო ნიჟარაძემ მიმართა. ამ დავაში ნიჟარაძის ინტერესებს ადვოკატი, გიორგი ყავლაშვილი იცავდა, რომელიც წლების მანძილზე, გიორგი კაპანაძისა და ილია კოკაიას ადვოკატი გახლდათ.

2015-2019 წლებში, „რუსთავი 2“-ის 9%-იანი წილის მართვაში მონაწილე კომპანიის მფლობელი „რიჟას“ ბიზნესპარტნიორი, ნიკოლოზ ჩიქოვანი იყო. რადიო



ვინ არის და რას წარმოადგენს ბიზნესმენი გიორგი კაპანაძე, იგივე „რიჟა“

„თავისუფლების“ ინფორმაციით, ჩიქოვანი ახლა, „ჯორჯიან მანგანეზში“, სახელმწიფოს მიერ დანიშნული მმართველია. თავის მხრივ, „ჯორჯიან მანგანეზი“ ფლობს ზესტაფონის „ფეროსა“ და ქაითურის სამთო-გამამდიდრებელ კომბინატს. ამ კომპანიაში კი „რიჟას“ ბიზნესინტერესები იკვეთება.

რა მიზნით გაერთიანდნენ „რუსთავი 2“ და „პრაიმტიმი“? – ცვლილებების დეტალებზე, „ვერსიას“ პაატა სალიამ ესაუბრა.

– ბატონო პაატა, რა მიზნით გაერთიანდნენ „რუსთავი 2“ და „პრაიმტიმი“?

– „პრაიმტიმი“ და „რუსთავი 2“-მა ერთობლივად შექვემნიშვნელობა სააქციო საზოგადოება, მარტივი სახელწოდებით – „მედია ჰოლდინგი“. ჩვენი ამოცანაა, ძალისხმევით გაერთიანება, რათა „რუსთავი 2“ და „პრაიმტიმი“ უფრო ეფექტურები, აქტიურები და წარმატებულები გახდნენ. გვინდა, რომ ერთობლივი საქმიანობით უკეთეს შედეგს მივაღწიოთ. იმედი გვაქვს, რომ ჩვენი სინერჯია ორივე კომპანიას გაცილებით მეტ შედეგს მოუტანს, ვიდრე ცალ-ცალკე შეგვეძლო.

დღეს, „რუსთავი 2“-ს მეტი დახმარება სჭირდება, როგორც ფინანსური, ასევე, ადამიანური რესურსის თვალსაზრისით. შესაბამისად, ჩვენ უკვე დავიწყეთ გარკვეული მოქმედებები მას შემდეგ, რაც ეს სააქციო საზოგადოება შეიქმნა. „რუსთავი 2“ და „პრაიმტიმი“ ახალ სააქციო საზოგადოებაში გარკვეული შენატანებით შედიან – ორივე მხარე იღებს ვალდებულებას, განახორციელოს, როგორც მატერიალური, ასევე, ფინანსური უზრუნველყოფა. ეს არის ფორმა, რაც მოვიფიქრეთ იმისთვის, რომ „რუსთავი 2“-მა შეუფერხებლად შეძლოს მაუწყებლობა იმ რთულ ვითარებაში, რაც წინა მენეჯმენტისგან დაგვხვდა. ფაქტობრივად, არხი დასანგრევად იყო განწირული, უკვე 18 თვე გავიდა და შევქელით, შეგვეწარმოებინა არხი.

მეტიც, დღეს გარკვეული რეპუტაცია აქვს „რუსთავი 2“-ს და შეგვიძლია იმაზე საუბარი, რომ ძალიან ბევრი ადამიანი, რომელიც არხიდან წავიდა, დაბრუნებას გეგმავს. 2019 წლის აგვისტოში რთული იყო ადამიანების მოზიდვა „რუსთავი 2“-ში, მაგრამ დღეს აბსოლუტურად სხვა სიტუაციაა, რაც სტრასბურგის სასამართლოს გადაწყვეტილების შემდეგ, ჩვენი მენეჯმენტის ქვეშ განვლილმა პერიოდმა განაპირობა. ვთვლით, რომ ეს ჩვენი მიღწევაა, თუმცა დღის წესრიგში ახალი გამოწვევებია და ვფიქრობთ, უფრო მეტის მიღწევა შესაძლებელია. ვერ დავკმაყოფილებთ იმ პოზიციით, რაც ახლა გვაქვს, მეტიც, ნამდვილად გვინდა, რომ სატელევიზიო ბაზარზე პირველობა დავიბრუნოთ. ამისთვის კი აუცილებელია ის ცვლილებები, რაც ამ შედეგის დადგომის დაგვეხმარება. ამაზე აქტიურად ვმუშაობთ და გარკვეული გეგმაც გვაქვს – ახალი ჰოლდინგის ამოცანა და მიზანია, „რუსთავი 2“-მა შეძლოს არსებულ ფინანსურ

სირთულეებთან გამკლავება და უახლოეს მომავალში, სატელევიზიო ბაზარზე პირველობის დაბრუნება.

– როგორ გადანაწილდება წილები „რუსთავი 2“-სა და „პრაიმტიმის“ შორის ახალ სააქციო საზოგადოებაში?

– ჯერჯერობით ამ საკითხზე მუშაობა მიმდინარეობს. მაღალი კვალიფიკაციის მქონე, საერთაშორისო აუდიტორული კომპანიების მიერ შეფასდება ჩვენი პოტენციალი და ის შენატანები, რის განხორციელებასაც ვაპირებთ კომპანიები ამ სააქციო საზოგადოებაში. ამის მიხედვით დადგინდება საბოლოოდ, მხარეთა წილობრივი მონაწილეობაც. ამაზე შეთანხმება არსებობს და მუშაობა გრძელდება, თუმცა ამ ეტაპზე, ეს იმდენად მნიშვნელოვანი საკითხი არ არის, რომ მის გარეშე ის მოქმედებები არ განვახორციელოთ, რასაც ახლა ვაკეთებთ.

– ცვლილებების კვალდაკვალ, გაზეთ „პრაიმტიმის“ აღდგენასაც ხომ არ გეგმავთ?

– ჩვენ დავაანონსეთ, რომ ვგეგმავთ, უფრო გავამრავალფეროვნოთ ის პლატფორმები, რომელთა საშუალებითაც გვექნება ურთიერთობა ჩვენს მაყურებლებთან თუ მკითხველებთან. შესაბამისად, უფრო მეტ დეტალს ცოტა მოგვიანებით გავაცნობთ საზოგადოებას. ამ ეტაპზე მხოლოდ იმით შემოვიფარგლოთ, რომ ჩვენი ამოცანაა, გავამრავალფეროვნოთ ის მედიასაშუალებები, რომლებითაც ინფორმაციას მივანვდით ჩვენს ერთგულ მაყურებლებსა და მკითხველებს.

პირველ რიგში, ჩვენი ამოცანაა, „რუსთავი 2“-ის საეთერო ბადეში მრავალფეროვანი გადაცემები გვექონდეს, როგორც გასართობი, ასევე, საზოგადოებრივ-პოლიტიკური შინაარსის. ვფიქრობთ, ძალიან მალე, სრული დატვირთვით ამუშავდება ტელეკომპანია „რუსთავი 2“. რა თქმა უნდა, ბევრი გადაცემა ერთდროულად ვერ დაემატება, თუმცა ეტაპობრივად, წლის ბოლომდე, ტელევიზია სრული დატვირთვით იმუშავებს. შესაბამისად, ყველა ის პროდუქტი გვექნება, რაც სატელევიზიო ბაზარზე პოპულარობით სარგებლობს – დაწყებული სერიალებიდან, დასრულებული – მეგა-შოუებით.

– ბატონო პაატა, „პრაიმტიმიდან“ თქვენი პარტნიორები თავო ფხაკაძე და გიორგი ქუთათელაძე არიან?

– დიახ.

– საუბრობენ, რომ „რუსთავი 2“-ს ბიზნესმენი, გიორგი კაპანაძე („რიჟა“) დააფინანსებს...

– გიორგი კაპანაძესთან ურთიერთობა არ გვაქვს, „რუსთავი 2“-ს ურთიერთობა აქვს მხოლოდ „პრაიმტიმთან“. ალბათ, საიდუმლო არ არის, რომ მასთან ნათესაური ურთიერთობა აკავშირებს თავო ფხაკაძეს, თუმცა გადაწყვეტილებებსა და მოლაპარაკებებში გიორგი კაპანაძე არ მონაწილეობს. დანამდვილებით შემიძლია გითხრათ, რომ ჩვენს ჰოლდინგში რაიმე სხვა ფორმით მის მონაწილეობაზე საუბარი არ არის.

ბარო დოლიძე: „15 მაისს, რუსთაველის გამზირი ხალხს ვერ დაიტევს!“



ოპოზიცია საგანგებო რეჟიმის ექსკლუზიური დეტალებით

ბარო დოლიძე
598-43-50-34

მას შემდეგ, რაც მმართველ ძალასა და ოპოზიციას შორის მოლაპარაკება ჩაიშალა, ოპოზიციას აცხადებენ, რომ საგანგებო მდგომარეობაზე გადადგენ და მასშტაბური აქციისთვის ემზადებიან, რომელიც 15 მაისს, რუსთაველის გამზირზე გაიმართება. მმართველი ძალა კი პოზიციას არ ცვლის და უკან არ იხევს... ამასთან, „ქართულ ოცნებაში“ აცხადებენ, რომ ქვეყანაში პოლიტიკური კრიზისი არაა და ყველაფერი ხელოვნურადაა შექმნილი. რა კონკრეტული გეგმა აქვს ოპოზიციას და შეინარჩუნებენ თუ არა პარტიები ე.წ. ბოიკოტურ ერთიანობას? – ამ კითხვებით „ვერსიამ“ ნაციონალური მოძრაობის წარმომადგენელ ბარო დოლიძეს მიმართა:

– 15 მაისამდე, აბსოლუტურად ყველა რეგიონში, ქალაქში, რაიონში, სოფელსა და უბანში მისვლას ვგეგმავთ. მთელი ოპოზიცია კოორდინირებულად ვაპირებთ ხალხში გასვლას. ჩვენი მთავარი ამოცანაა, ხალხს ერთიანობა ვაჩვენოთ, 15 მაისს კი ყველამ ერთად დავანახოთ ხელისუფლებას ჩვენი არჩევანი, რომელიც დასავლეთი, განვითარება, თავისუფლებაა და არა ის, რასაც გვთავაზობენ – რუსეთი და მონობა. მკაფიო არჩევანი გაკეთდება, რადგან „ქართულმა ოცნებამ“ დაგვანახა, რომ ეს ქვეყანა და აქ მცხოვრები ადამიანები არ აინტერესებს.

– ბატონო ბარო, ბოლო დროს, ბევრი საუბრობს, რომ ოპოზიციას ხალხის ქუჩაში გამოყვანა უჭირს. ახლა თქვენი მთავარი გზავნილი ყველა ადამიანთან მისვლაა და გამოდის, რომ ოპოზიცია შეცდომას აღიარებს ანუ იცით, რომ ხალხს დაშორდით და ახლა ამის გამოსწორებას ცდილობთ?

– ოპოზიციამ თავის ამომრჩეველსა და მხარდამჭერს აჩვენა ალტერნატივა, რომ არსებობდა მოლაპარაკების პროცესი და ფონის გამძაფრება, პროცესების ქუჩაში გადმოტანა, შეიძლება, იმ ხარისხით საჭირო არ ყოფილიყო, რასაც დღეს ვხედავთ... მას შემდეგ, რაც ჩვენი პარტიის თავმჯდომარე დააპატიმრეს, შეგვეძლო, განგვეცხადებინა, სანამ მოლაპარაკების მაგიდიდან მოპარულ ადამიანს არ გამოუშვებთ, მოლაპარაკებაზე უარს ვაცხადებთ, მაგრამ იქიდან გამომდინარე, რომ ეს კალაქის ხარისხი და პოლიტიკური პოლარიზება ძალიან მაღალი იყო, ამ ნაბიჯზე არ წავედით, თუმცა პირდაპირ გეტყვით, რომ ეს ნაბიჯი ძალიან ბევრმა მხა-

რდამჭერმა არ მოინონა. გვეუბნებოდნენ, თუ ნიკა მელია მოლაპარაკების მაგიდასთან არ ზის, თქვენ რატომ სხდებით?! ჩვენთვის მნიშვნელოვანი ყველანაირი შანსის გამოყენება იყო, რომ ეს კრიზისი მოლაპარაკების პროცესით დასრულებულიყო. შესაბამისად, დღეს, წინაპირობა აღარ არსებობს ამ ფორმატში, თუ ისევ „ქართულმა ოცნებამ“ არ გადამწყობს საპირისპირო, რომ მოლაპარაკების გზით შესაძლებელია კრიზისიდან გამოსვლა.

სამწუხაროდ, ეს მარტო ჩვენ კი არაა, იმ პარტნიორებსაც უთხრეს, რომელთა საშუალებითაც აქამდე მოვედით. ევროკავშირსა და აშშ-ს, რომელთა ფინანსური მხარდაჭერითაც საქართველოში სახელმწიფო ინსტიტუტები შეიქმნა, უარი უთხრეს და ყოველგვარი ეთიკის გარეშე, კარი მიუხურეს. ამიტომ, სხვა არაფერი დაგვრჩენია იმის გარდა, რომ გაცილებით მეტი მობილიზება და ერთიანობა გამოვიჩინოთ, რათა რამენაირად შევცვალოთ არჩეული ვექტორი, რომელიც ამ დაჯგუფებამ შექმნა.

– ბატონო ბარო, „ქართული ოცნების“ ლიდერმა, ირაკლი კობახიძემ ცოტა ხნის წინ განაცხადა, ეს ხელოვნურად შექმნილი პოლიტიკური კრიზისია... იმ ფონზე, როცა მმართველი ძალა უკან დახევას არ აპირებს, როგორ ფიქრობთ, ოპოზიციას რა შანსი აქვს?

– „ქართული ოცნება“ ყველა თავის ქმედებაში ერთსა და იმავეს აჩვენებს, რომ არ აინტერესებს ამ ქვეყანაში არსებული ვითარება და იმას, რომ ხალხი ლატაკია, რომ აუხსნელი „ლოქდაუნია“ და კორუფცია გვაქვს, ხელოვნურ კრიზისს ეძახის. როგორ ფიქრობთ, ყველაფერი ეს, მოგვარებული რომ ჰქონოდა ხელისუფლებას, საპროტესტო მუხტს ადგილი ან აზრი ექნებოდა? სახელმწიფო წარმატებული რომ ყოფილიყო, თუნდაც მხოლოდ კოვიდის მართვის ეპიზოდში, ბევრად მშვიდად გააგრძელებდნენ საპარლამენტო ცხოვრებას, მაგრამ გვეუბნებიან, პრობლემა არ არის, სასამართლოსა და მართლმსაჯულებაში კორუფცია არ არსებობსო. ყველაფერი ეს, ალბათ, პოლიტიკური აუტიზმი ან, უბრალოდ, უტიფრობაა.

– „გირჩი“ მმართველ ძალასთან მოლაპარაკებას იწყებს და საერთოდ, საუბარია, რომ შესაძლოა, პატარა პარტიები საპარლამენტო ცხოვრებას შეუერთდნენ ანუ ოპოზიცია ერთიანობას ინარჩუნებს?

– ჩვენთვის ერთიანობა ძალიან მნიშვნელოვანია და ოპოზიციურ შეხვედრებზე პარტიის სიდიდეს არსებითი მნიშვნელობა არ აქვს. აბსოლუტურად ყველას აქვს ერთნაირი ხმა. რა თქმა უნდა, ყველაფერს გავაკეთებთ,

რათა ამ ერთიანობაში არ იყოს ბზარი, თუმცა თუ დემოკრატიულ ქვეყანაში ცხოვრება გვინდა, ყველას აქვს თავისი პოლიტიკური გზა. ჩვენ ყველაფერ ამას იმიტომ კი არ ვაპროტესტებთ, რომ ნაციონალური მოძრაობა ან რომელიმე სხვა პარტია მოვიდეს მთავრობაში, ჩვენი მთავარი ამოცანაა, ჩატარდეს თავისუფალი არჩევნები და ყველას ჰქონდეს ის პროპორციული წარმომადგენლობა ხელისუფლებაში, როგორ ხმებსაც მიიღებს. თუ დავინახეთ, რომ „ქართულმა ოცნებამ“ ხმათა უმრავლესობა აიღო, უნდა შევეგუოთ, თუმცა დღეს საპირისპიროს ვხედავთ. რეალურად, 35%-იანმა დაჯგუფებამ, 100%-იანი ძალა-უფლება აიღო.

– ანუ უშვებთ, რომ შესაძლებელია, ზოგი პარტია პარლამენტში შევიდეს და ბოიკოტის ერთიანობა დაიშალოს?

– მოთხოვნები, რომელიც დღესაა, „ნაციონალური მოძრაობაც“ რომ გაეთიშოს ყველაფერ ამას, არ შეიცვლება და უკვე შეუქცევადი პროცესია, რადგან ეს პრობლემები არაა ხელოვნური. ამ ხალხს ცვლილება და სილატაკიდან გამოსვლა უნდა. ერთი პარტია იქნება, ორი თუ 23, ამას არსებითი მნიშვნელობა არ აქვს და არც ტრაგედია უნდა შეიქმნას, ყველას აქვს თავისი გზა. მთავარია, საბოლოოდ უნდა დასრულდეს ის ბაკქანალია, რაც დღესაა.

– ვფიქრობ, ამ პროცესში, მიხეილ სააკაშვილის ადგილიც მნიშვნელოვანია. ზოგი მიიჩნევს, რომ პოლიტიკურ პროცესებს უნდა ჩამოშორდეს, რადგან მის ფაქტორს „ქართული ოცნება“ სათავისოდ იყენებს... როგორია სააკაშვილის როლი ოპოზიციის საგანგებო მდგომარეობაზე გადასვლაში?

– არ არის სწორი, ერთი მხრივ, ვამბობდეთ, დემოკრატია გვინდაო და მეორე მხრივ, ვთქვათ, ესა და ეს ადამიანი უნდა ჩამოშორდეს პროცესსო. თუ ასეა, მაშინ რითი განვსხვავდებით „ქართული ოცნების“ ნარატივისგან? – არაფრით. მიხეილ სააკაშვილი ამ პარტიის ყოფილი თავმჯდომარე, დამფუძნებელია და შესაბამისად, მაქსიმალურად იქნება ჩართული ამ პროცესებში, რისი შესაძლებლობაც დევნილობის პირობებში აქვს, თუმცა ყველაფერი მაინც საქართველოში, იმ მაგიდასთან წყდება, სადაც მრავალი პარტიაა წამრმოდგენილი. ჩვენთვის ძალიან მნიშვნელოვანია ერთობა და კოორდინაცია ამ უმძიმეს ვითარებაში.

– მოკლედ, ოპოზიციის გეგმა ქუჩა და საპროტესტო აქციებია, რადგან ხელისუფლებასთან მოლაპარაკების რესურსს ვეღარ ხედავთ, არა?

– ვიცით, რომ ჩვენი საკითხი ჩანიშნულია აშშ-შიც და ევროკავშირშიც – 22-23 რიცხვებში და აქედან გამომდინარე, მზად ვართ, ნებისმიერ მომენტში მივუსხდეთ მოლაპარაკების მაგიდას, თუმცა პროცესი, რომელმაც გვაიძულა, ქუჩაში გადაგვეტანა, ნამდვილად არ შეწყდება და კულმინაცია 15 მაისი იქნება. ეს არის უმნიშვნელოვანესი თარიღი საქართველოს ისტორიაში, ერთხელ და საბოლოოდ უნდა ვთქვათ უარი საბჭოთა საქართველოზე და ჩვენს შვილებს მაინც უნდა დავახვედროთ ის, რასაც იმსახურებს ეს ქვეყანა.

დარწმუნებული ვარ, 15 მაისს, რუსთაველის გამზირი ხალხს ვერ დაიტევს!

თენგიზ ცერცვაძე: „ვაქცინაცია არ არის უსაფრთხო, მაგრამ...“

თათია გონაძე
598-43-50-34

ამ კვირაში საქართველო „ფაიზერის“ ვაქცინას ელოდება, თუმცა მანამდე, ქვეყანაში იმუნიზაციის პროცესი ნელი ტემპით მიმდინარეობს. უნდობლობისა და უკუერეაქციის მძიმე შემთხვევის გამო, ერთი კვირის განმავლობაში, ბოლო მონაცემებით, მხოლოდ 3 818 პირი აიცრა და ეს იმ ფონზე, როდესაც „ასტრაზენეკას“ ვაქცინის 43 ათასი დოზა ქვეყანაში შემოტანილი. მთავრობის გადაწყვეტილებით, ვაქცინის გაკეთება, მედიცინის სფეროში მომუშავე პირების გარდა, 65 წელს გადაცილებულ მოქალაქეებსაც შეეძლებათ და ვაქცინაციისთვის დარეგისტრირებას 25 მარტიდან შეძლებენ. იმ ტრაგედიის ფონზე, როდესაც ვაქცინაციის დაწყებიდან სულ რამდენიმე დღეში, კოვიდვაქცინას 27 წლის მედეა შეენირა, „ვერსია“ დაინტერესდა, რამდენად მნიშვნელოვანია ვაქცინაციის გაგრძელება კოვიდპანდემიის დასამთავრებლად და გამოჩნდა თუ არა მსოფლიო კვლევებით ახალი მედიკამენტი, რომელიც კორონავირუსის სანინალმდეგოდ გამოიყენება? – გთავაზობთ ექსკლუზიურ ინტერვიუს თენგიზ ცერცვაძესთან:



რამდენი ხნის შემდეგ უნდა აიცრას კოვიდგადატანილი ადამიანი და როდის დავუბრუნდებით ნორმალურ ცხოვრებას

– სახელმწიფომ ეფექტური პიარკამპანია უნდა გაატაროს, რათა დაარწმუნოს მოსახლეობა, რომ ვაქცინაცია ერთადერთი გამოსავალია. მოსახლეობას გულწრფელად უნდა ვუთხრა, რომ ვაქცინაცია არ არის უსაფრთხო, ეს მთელ მსოფლიოში ასეა. საფრთხეს მხოლოდ კორონავირუსის კი არა, სხვა, ნებისმიერი ვაქცინა შეიცავს. როგორც სტატისტიკით გაიკვია, „ასტრაზენეკას“ შემთხვევაში, 5 მილიონზე, 41 ანაფილაქსიური რეაქცია განვითარდა და, დაახლოებით, 10-მდე თრომბოემბოლით გართულდა, რაც გარდაცვალებით დამთავრდა. რამდენიმე დღის წინ, იტალიაში ახალგაზრდა ვაქცინირებული ქალი თრომბოემბოლიური გართულებით გარდაიცვალა. უნდა ვუთხრა, მოსახლე-

და აშშ-სთან შედარებით, სიკვდილობისა და ინფიცირების შემთხვევების მხრივ, ერთ-ერთი ყველაზე დაბალი მაჩვენებელი გვაქვს, მაგრამ ყოველ დღე, კოვიდით მაინც 9-10 ადამიანი იღუპება.

ახლა საქართველო, ახალ გზაგასაყარზე დგას და ორი სცენარი გვაქვს ასარჩევი. პირველი – უარს ვამბობთ ვაქცინის მიმართ სკეპტიციზმსა და უნდობლობაზე, მიუხედავად იმისა, რომ მოხდა უბედური შემთხვევა და ვაგრძელებთ აქტიურ ვაქცინაციას, რათა წლის ბოლოს შევასრულოთ გეგმა და მოსახლეობის, მინიმუმ, 60-65% იყოს აცრილი. ამ შემთხვევაში, მოხდება ინფექციის ახალი შემთხვევებისა და გარდაცვალების მინიმუმაცია და შესაძლოა, განულებაც. ყველანაირი შეზღუდვა მოიხსნება, ბიზნესი იქნება ღია, ასევე, შესაძლებელი იქნება ეკონომიკური ვარდნის სწრაფად გამოსწორება, თითოეული მოქალაქის შემოსავალი გაიზარდება და ცხოვრების პირობები გაუმჯობესდება. მოკლედ, დავუბრუნდებით ნორმალურ ცხოვრებას.

მეორე სცენარი კი ისაა, რომ ავყვეთ ემოციებს, ზოგჯერ სიჯიუტესაც. ერთგვარად, ასეთი ტრენდი შემოვიდა – „მე არ გავიკეთებ ვაქცინას“, თითქოს ვაქცინის გაკეთებას მტრები ეუბნებიან და ესენი არ თანხმდებიან. მივეცეთ სკეპტიციზმს,

გადაიტანეს, ვაქცინა რამდენი ხნის შემდეგ უნდა გაიკეთონ?

– ეს წესი მკაცრად გვაქვს განსაზღვრული. ვაქცინაციის საბჭოში არ ვარ, მაგრამ როგორც მკურნალმა ექიმმა, ვიცი, რომ ჩვენთან, კანონში 120 დღე ჩაინერა დიაგნოზის დადგენიდან ანუ როცა დაუდასტურდათ კოვიდი, იმ დღიდან 4 თვის შემდეგ.

– მესამე ტალღა ახსენეთ და საინტერესოა, თქვენი პროგნოზი, თუ ამ ტემპით გაგრძელდა ვაქცინაცია, საქართველოში პანდემიის შემდეგ ტალღას როდის უნდა ველოდოთ?

– ვერ გამოვრიცხავთ მესამე ტალღას. უნდა ვუყუროთ მსოფლიოს, იზრდება რაოდენობა, საფრანგეთში უკვე მიაღწია იმ რაოდენობას, რაც პიკის პერიოდში იყო – 35 000 შემთხვევა დღეში ანუ იქ მესამე ტალღა უკვე არის. გერმანიაშიც ელოდებიან მესამე ტალღას და ჩვენ ვერ ვიქნებით გამონაკლისი, სამწუხაროდ.

– მნიშვნელოვანია, რაიმე ხომ არ შეიცვალა კორონავირუსის მკურნალობის პროტოკოლში, ან ახალი პრეპარატი ხომ არ გამოჩნდა?

– არაფერი. რამდენიმე პრეპარატს იკვლევენ, მთელი მსოფლიო ელოდება, რომელიმე პირდაპირი ანტივირუსული მოქმედების მედიკამენტს, რომელიც ვაქცინასთან ერთად, პრაქტიკულად, დაამთავრებს პანდემიას. მარტო ვაქცინით, პანდემიას ვერ დავამთავრებთ, ვაქცინით შევამცირებთ, მინიმუმამდე დავიყვანთ, თორემ ვერ დავამთავრებთ იმიტომ, რომ არც ერთ ქვეყანაში არ ხდება მთელი მოსახლეობის აცრა. ყველა აცრილს ვაქცინა ვერ იცავს და ამიტომ, შემთხვევების გარკვეული რაოდენობა ყოველთვის იქნება. ინიფიცირებულებს რომ ვუმკურნალოთ და გარდაცვალების შემთხვევები აღარ იყოს, აუცილებელია ანტივირუსული მოქმედების მედიკამენტი. ჯერჯერობით, ასეთი არ გამოჩენილა, არის მხოლოდ კვლევები. ბოლო, რაც გამოჩნდა პერსპექტიულ პრეპარატებს შორის, „ტოცილიზუმაბია“, რომელიც არ არის ანტივირუსული პრეპარატი, ის კოვიდის გართულების სამკურნალო პრეპარატი და 24%-ით ამცირებს სიკვდილობას მძიმე, კრიტიკულ ავადმყოფებში. ჩვენდა საამაყოდ, ამ მედიკამენტს ვიყენებთ ჯერ კიდევ გასული წლის მარტიდან – მაშინ, როცა პირველად გამოჩნდა ამ მედიკამენტზე ცნობები, მაშინვე ავუღეთ ალლო, რომ ეს მედიკამენტი იქნებოდა ეფექტური.

ივლისში ერთი, ძალიან წარმატებული შემთხვევა გვექონდა – სასიკვდილოდ განწირულ 84 წლის ქალბატონს ვუმკურნალეთ და გადაარჩა. „პირველმა არხმა“ მოკლემეტრაჟიანი ფილმიც გადაიღო ამ ქალბატონზე. ამაზე ახალი მედიკამენტი ჯერ არ გამოჩენილა.



ობას, რომ ასეთი საფრთხე, თეორიულად, არსებობს და სამწუხაროდ, ამის რეალიზება მაინცდამაინც ჩვენთან მოხდა, თუმცა სხვა გამოსავალი არაა. თუ რისკსა და სარგებელს შევადარებთ, სარგებელი მრავალჯერ გადაწონის. ისე, რისკს ყოველ წუთს ვენევი, როცა გამოვდივართ ქუჩაში – არის ალბათობა, რომ მანქანა დაგვეჯახოს, თვითმფრინვაში რომ ვსხდებით, არის ალბათობა, რომ ჩამოვარდეს და ა.შ., მაგრამ ამის გამო, ყველაფერ ამაზე უარს არ ვამბობთ.

მოკლედ, ასე უნდა მივუდგეთ – ვაქცინაცია შეიცავს გარკვეულ რისკს, მაგრამ მისი არგაკეთება გაცილებით დიდი რისკია. წარმოიდგინეთ, მსოფლიოში კოვიდით 2 700 000 ადამიანი გარდაცვლილი, ვაქცინით კი – 11.

– გასაგებია, მაგრამ შესაძლოა, ვინმემ თქვას, რომ კოვიდით გარდაცვლილები ავად იყვნენ. ეს 11 ადამიანი ავად არ იყო, ამიტომ ამ ციფრების შედარება ნაკლებად ლოგიკურია...

– სიკვდილამდე ავად არც ის 2 700 000 ადამიანი იყო, მაგრამ დაემართა კოვიდი და გარდაიცვალა. არავის გვაქვს გარანტია, რომ კოვიდი არ დაგვემართება და იმ სამწუხარო 2%-ში არ მოვხვდებით, რომლის გადარჩენაც ვერ ხერხდება. სტატისტიკის მიხედვით, ევროპასა

გავალრმაოთ უნდობლობა და არ გავიკეთოთ ვაქცინა, კი ბატონო, არავინ ძალით არ აკეთებინებს, ნებაყოფლობითია, მაგრამ ამას აუცილებლად მოჰყვება ახალი შემთხვევების გაზრდა. ნახეთ, ევროპაში რა ხდება – ყველგან იმატებს შემთხვევები. შემთხვევების გაზრდას მოჰყვება გარდაცვალების მატება და ხელისუფლება იძულებული გახდება, ხელახლა შემოიღოს შეზღუდვები. ამას მოჰყვება უკვე ამ ტიპის უკმაყოფილება და პროტესტი მოსახლეობის მხრიდან. ვნახეთ, რამდენიმე დღის წინ, გერმანიაში, 20 000-იანი მსვლელობა გაიმართა და პოლიციამ წყლის ჭავლით დაშალა, ეს მოხდა ყველაზე კანონმორჩილ და ცივილიზებულ ქვეყანაში.

საბედნიეროდ, საქართველოში ახლა საუკეთესო მოცემულობა გვაქვს, არის ინფიცირებისა და გარდაცვალების დაბალი რიცხვი და უნდა გავიკეთოთ ვაქცინა, რომ ეს რიცხვი არ გაგვექცეს. თუ არ გავიკეთებთ, მაშინ გვექნება მესამე ტალღა. ყველამ განვსაზღვროთ, რა არის უარესი ქვეყნისთვის – თეორიული რისკი, კიდევ განმეორდეს ეს ერთეული, სამწუხარო შემთხვევა, თუ რეალური რისკი, რომ ათასობით ავადმყოფი და ათეულობით გარდაცვლილი გვყავდეს?

– ბატონო თენგიზ, მათ, ვინც კოვიდინფექცია უკვე

რატომ უნდა აშენდეს დიდი ჰესები საქართველოში – ექსპერტის მოსაზრება



დავით მირცხულავა: „ვერ ნახავთ მსოფლიოში ქვეყანას, რომელსაც ასეთი ჰიდრორესურსი ჰქონდეს და არ იყენებდეს!“

146 დღეა, ნამახვანჰესის მშენებლობასთან დაკავშირებით, პროტესტი გრძელდება. თითქმის ხუთი თვეა, ადგილობრივი მოსახლეობა, რომლებიც თავს „რიონის მცველებს“ უწოდებს, ჰესის მშენებლობას ჯიუტად ეწინააღმდეგება, მაგრამ ხელისუფლების წარმომადგენლები ადგილზე, მხოლოდ პროტესტიდან 120-ე დღეს ჩავიდნენ, ისიც იმიტომ, რომ პრემიერ-მინისტრმა დაავალა. ეკონომიკისა და სოფლის მეურნეობის მინისტრები ლეჩხუმს ეწვივნენ, ცაგერის კულტურის სახლში, მოსახლეობასთან დიალოგიც შედგა, თუმცა ვითარება არ განმუხტულა, რადგან „შეხვედრიდან“ რამდენიმე დღეში, ქუთაისში საპროტესტო აქცია გაიმართა. სხვათა შორის, ამ აქციაზე პოლიტიკური ველიდან გაუჩინარებული რაინდი, ლევან ვასაძეც გამოჩნდა, თავის „ამქართან“ ერთად. „არა, დიდ ჰესებს!“ – ამ აქციის მთავარი გზავნილი გახლდათ. სინამდვილეში, იმისთვის, რომ ელექტროენერჯის იმპორტზე დამოკიდებული, უხვმდინარეანი საქართველო ენერგოდამოუკიდებელი გახდეს, ჰიდროენერჯეტიკა აუცილებლად უნდა განვითარდეს, რაც ჰესების მშენებლობას ნიშნავს. ჰიდრორესურსებით მდიდარმა ქვეყანამ თავისი ბუნებრივი სიმდიდრე აუცილებლად უნდა აითვისოს და ამას ალტერნატივა არ აქვს. არავინ კამათობს იმაზე, რომ მშენებლობაზე, პროექტირების პროცესში, გარემოზე ზემოქმედების შესწავლის (გზმ) დოკუმენტი უნდა მომზადდეს და ჰესი უსაფრთხოების ნორმების დაცვით უნდა აშენდეს, მაგრამ ლოზუნგი – „არა, დიდ ჰესებს!“ – საქართველოს დაუძინებელი მტრის რუსეთის წისქვილზე ასხამს წყალს. ვის, ვის და რუსეთს, როგორც ელექტროენერჯის ძირითად იმპორტიორს საქართველოში, ჩვენი ქვეყნის ენერგოდამოუკიდებლობა და შესაბამისად, რეგიონში საკუთარი გავლენის შესუსტება არ აწყობს. ჩვენი ქვეყნის თითოეულმა მოქალაქემ, პირველ რიგში, გარემოსდამცველმა ორგანიზაციებმა და ჰესების მშენებლობის მოწინააღმდეგეებმა კარგად უნდა გაიაზრონ, რომ ლოზუნგი – „არა, დიდ ჰესებს!“ – უკან, სიბნელესა და წყვედიანობაში დაბრუნებას ნიშნავს. გარდა ამისა, ჰესების მშენებლობას უამრავი ეკონომიკური სიკეთე მოჰყვება, რაც მოსახლეობამ არ იცის. „ვერსიას“ ენერჯეტიკის ექსპერტი, პროფესორი (დაპით) მირცხულავა ესაუბრება.

– ბატონო დათო, ნამახვანჰესის წინააღმდეგ, მოსახლეობის პროტესტი არ წყდება, ხელისუფლებასა და ადგილობრივებს შორის დიალოგი ჩიხში შევიდა. რა გამოსავალს ხედავთ, ამ ვითარებაში?

– მართალია, კომუნიკაციის ნაკლებობა იყო და ახლაც უდავოდ არის, მაგრამ ეს არ ნიშნავს, რომ თითქოს, საერთოდ არ მართულა შეხვედრები და განხილვები ამ საკითხზე. გარკვეული სამეცნიერო კონფერენციები ზუმ-რეჟიმში ტარდებოდა, ყოველ შემთხვევაში, რამდენიმეს პირადად დავესწარი, ცალკე განხილვებიც გაიმართა. თუმცა მოსახლეობასთან მუშაობის თვალსაზრისით, გაცილებით მეტი იყო გასაკეთებელი, უფრო მეტად უნდა დალაპარაკებოდნენ და მეტი ახსნა-განმარტებითი სამუშაოები ჩატარებინათ. ამგვარი კომუნიკაცია გაცილებით უკეთესი იქნებოდა.

მოსახლეობის პროტესტიც აბსოლუტურად მესმის და ახალი არაფერია, რადგან ასეთი მნიშვნელობის პროექტებს, ყოველთვის ახლავს ხოლმე ვნებათაღელვა. არიან ადამიანები, რომლებიც ეწინააღმდეგებიან ჰესების მშენებლობას. მე ყოველთვის მომხრე ვარ, რომ გარკვეული კომპრომისები მოიძებნოს. მდგრადი განვითარების პრინციპი რა არის? – ტექნიკური, ეკონომიკური, გარემოსდაცვითი საკითხების თანხვედრა და მათ შორის, ოქროს შუალედის მოძებნა! მაგალითად, ნამახვანჰესთან დაკავშირებით, არის კითხვები კლიმატისა და უსაფრთხოების შესახებ, დღემდე ამ კითხვებზე ბევრი პასუხი გაიცა, ყოველ შემთხვევაში, გარკვე-

ული კვლევები ნამდვილად ჩატარდა, მაგრამ მათზე ინფორმაცია გარემოს დამცველებსაც კი არ ჰქონდათ. როდესაც ასეთი პროექტი ხორციელდება, კვლევები წინა საპროექტო ფაზაზე იწყება და მიმდინარეობს პროექტირების, მშენებლობის, ექსპლუატაციის ეტაპებზე. ეს უწყვეტი ციკლია და აუცილებელი იყო, რომ ამის შესახებ შესაბამისი განმარტებები გაეკეთებინათ. ზოგადად, ნებისმიერ ნაგებობას, რომელიც შენდება, გარკვეული ზემოქმედება აქვს ბუნებაზე და ამის თქმა თამამად შეიძლება, მაგრამ პროექტი ისე უნდა განხორციელდეს, რომ მინიმუმზრებული იყოს ყველა ნეგატიური გავლენა. მსოფლიოს მასშტაბით მოქმედებს შესაბამისი ნორმატივები, რათა სწორედ ასე აშენდეს ნებისმიერი ნაგებობა.

აქედან გამომდინარე, ვფიქრობ, რომ ნამახვანჰესის საწყისი ეტაპიდან, საკმარისი კომუნიკაცია არ ყოფილა, თუმცა გარკვეული სამუშაოები დღესაც მიმდინარეობს. მიმაჩნია, რომ ჰიდროენერჯეტიკა ამ ქვეყნის მომავალია, ქვეყნის ეკონომიკური განვითარების ძირითადი, ფუნდამენტური საკითხია იმიტომ, რომ ჩვენ გვაქვს რესურსი, რომელიც უნდა ავითვისოთ. ვერ ნახავთ მსოფლიოში ქვეყანას, რომელსაც ასეთი ჰიდრორესურსი ჰქონდეს და არ იყენებდეს!

– კიდევ ერთხელ ჩამოვთვალოთ მსოფლიოს ის ქვეყნები, რომლებსაც აქვთ ჰიდრორესურსები და იყენებენ.

– ევროპის დანაწარებული და განვითარებული ქვეყნებიდან დავიწყებთ, ვგულისხმობ ავსტრიას, იტალიას, ესპანეთს... ესპანეთში არის პროვინციები, სადაც გაცილებით მეტი კაშხალი და ჰიდროსადგურია აშენებული, ვიდრე მთლიანად საქართველოში. მაგალითად, გერმანიას, საქართველოსთან შედარებით, არც ისე დიდი ჰიდრორესურსები აქვს, მაგრამ იქ 7 500-ზე მეტი მცირე ჰიდროსადგურია, ხოლო იტალიაში – 2 500 მცირე ჰიდროსადგური. მთლიანად, ევროპაში, დაახლოებით, 22 000 მცირე ჰიდროსადგურია და კიდევ ფიქრობენ მათ განვითარებაზე. ხშირად ამბობენ, რომ ევროპის განვითარებულმა ქვეყნებმა შეწყვიტეს ჰიდრომშენებლობა, მაგრამ იმ ქვეყნებმა შეწყვიტეს, სადაც ეს რესურსი მთლიანად აითვისეს. თუმცა შვეიცარიაში, უკვე არსებული ჰესების რეკონსტრუქცია და კაშხლების ამალღების სამუშაოები მიმდინარეობს, რათა მაქსიმალურად აითვისონ.

თუ მსოფლიოს მასშტაბით, ჰესების მშენებლობის ისტორიას გადავხედავთ, რაც 100 წელზე მეტს მოიცავს, არ მეგულება ქვეყანა, რომელმაც საკუთარი ჰიდრორესურსის ათვისებაზე უარი თქვა, ასეთი ფაქტი არ ყოფილა! ხშირად მომყავს შვეიცარიის მაგალითი, მასზე დავარცხნილი და მოვლილი ქვეყანა არ ვიცი, მაგრამ ჩვენზე პატარა ქვეყანას 600 ჰიდროელექტროსადგური აქვს. მათი ჯამური გამოიმუშავება 37 000 მეგავატი, საქართველო 3 000 მეგავატს ძლივს

ასცდა. იმის მიუხედავად, რომ ნორვეგიაში უამრავი გაზი და ნავთობი იყო, მისი ენერჯეტიკა მთლიანად ჰიდროსადგურების მშენებლობაზეა დამოკიდებული და 90%-ზე მეტი აქვს ათვისებული. პორტუგალიაშიც შენდება ჰესები, მოკლედ, მსოფლიოს არცერთი ქვეყანა არ ამბობს უარს ჰესებზე.

ვფიქრობ, ჰიდრორესურსი აუცილებლად გვჭირდება ჩვენი ენერჯეტიკისთვის, რადგან თუ ჰესები არ გვექნება, ძალიან მძიმე მდგომარეობაში აღმოვჩნდებით. მოგეხსენებათ, მუდმივად იმპორტირებულ ენერჯიაზე ვართ დამოკიდებული, რომლის წილი ძალიან იზრდება, რაც ეკონომიკაზეც ახდენს გავლენას. გარდა ამისა, პანდემიის შემდეგ, მსოფლიოს მასშტაბით, ეკონომიკა სწრაფად დაიწყებს განვითარებას და ამ პროცესს ჩვენც ფეხი უნდა ავუწყოთ. ამ ვითარებაში, ჰესებზე ასეთი შეტევა კარგს არაფერს მოგვიტანს. ნებისმიერი, დახურული და შეჩერებული პროექტის დროს, აუცილებელია, რისკები დავითვალოთ და გავიგოთ, რა პრობლემა მოჰყვება ჰესების მშენებლობის შეჩერებას. მაგალითად, ხუდონჰესის პროექტი გაჩერებულია, რომელსაც უზარმაზარი ისტორია აქვს. მინისქვეშა ნაგებობები აშენებულია, მაგრამ ქვეყანა ვერ იყენებს რეალურად...

– უკაცრავად, განწყვიტებით, მაგრამ ხუდონჰესის გარდა, ნენსკრაჰესის მშენებლობაც ხომ შეჩერდა?

– კი, ბატონო! ყველა დიდი ჰიდროსადგურის მშენებლობა შეჩერდა ჩვენთან, მაგრამ მათ გარდა, უამრავი საშუალო და მცირე სადგურების მშენებლობაც შეჩერებულია. ჰესები უნდა აშენდეს, რაც ენერჯეტიკული სისტემის გარკვეულ მანევრულობას გვაძლევს, რადგან სხვა, განახლებადი ენერჯის წყაროების ასათვისებლად, როგორცაა ქარი და მზე, ჰესები აუცილებელია. ესპანეთის მაგალითი ვახსენებ და იქ, სწორედ, წყალსაცავიანი ჰესები ასრულებენ იმ სარეზერვო სიმძლავრეების ფუნქციას, რაც მზისა და ქარის სადგურებს სჭირდება. მაგალითად, 2030 წლისთვის, ჩვენ რომ 1 300 მეგავატი ქარისა და დაახლოებით, 500 მეგავატი მზის ენერჯია გვქონდეს, ამ სადგურების ინტეგრირებისთვის, შესაბამისი წყალსაცავიანი ჰესებიც აუცილებლად უნდა აშენდეს.

– დიდი ჰესების წინააღმდეგ აგორებული პროტესტის ფონზე, სარეაბილიტაციო სამუშაოების გამო, ენერჯის გაჩერდა. შესაბამისად, ელექტროენერჯის ისედაც მზარდი იმპორტი, ამ პერიოდში, კიდევ უფრო მეტად გაიზარდა. ამ პირობებში, „რიონის მცველები“ დიალოგზე უარს ამბობენ. როგორ უნდა დამყარდეს კომუნიკაცია ხელისუფლებასა და ამ ხალხს შორის?

– ამიტომ ვამბობ, რომ აუცილებელია, რაციონალური გადაწყვეტილება მოვძებნოთ. ჩვენ ვართ სახელმწიფო, რომლის ეკონომიკა უნდა განვითარდეს.

დასასრული მე-8 გვერდზე

მე-7 გვერდიდან

რატომ უნდა აშენდეს დიდი ჰესები საქართველოში – ექსპერტის მოსაზრება



აქედან გამომდინარე, მიმაჩნია, რომ პირველ რიგში, ეკონომისტების განმარტებებია საჭირო, რომლებიც დეტალურად ახსნიან, რამდენად მნიშვნელოვანია ქვეყანაში სწორედ ასეთი, დიდი პროექტების განხორციელება. ფაქტობრივად, ხუდონის, ნენსკრასა და ნამახვანის პროექტი 6%-იან ზრდას მოგვცემს მთლიან შიდა პროდუქტში, რაც პირდაპირი ინვესტიციებია. აქედან გამომდინარე, არ ვიცი, რა ძალისხმევა და შრომა დასჭირდება ამას, მაგრამ მოსახლეობასთან კომუნიკაცია უნდა დამყარდეს.

ამ ქვეყანაში, ჰესების მონიშნულმდეგეებიც პატრიოტები არიან და ის ხალხიც, რომლებსაც ჰესების აშენება უნდათ. მოდით, ამ საკითხს ასე შევხედოთ, რადგან ენგურის გაჩერებით, საქართველოს ენერჯეტიკას სერიოზული პრობლემა აქვს. ეს ორიოდე დღის წინ, სახელმწიფო ელექტროსისტემაში მომხდარმა ავარიამაც დაადასტურა, როდესაც მაღალი ძაბვის გადამცემი ხაზი გაითიშა და მთელი ქვეყანა ჩაბნელდა, სისტემის აღდგენას კი დრო დასჭირდა. ამას დაამატეთ ისიც, რომ გარკვეული პრობლემები იყო გაზომარაგებაშიც, რადგან თბოელექტროსადგურებიც გაითიშა. შესაბამისად, ჩვენი, საკუთარი ენერჯეტიკის განვითარება ძალიან მნიშვნელოვანია.

როდესაც ენერჯეტიკულ უსაფრთხოებაზე ვსაუბრობთ, ხალხს ეს ლოზუნგი ჰგონია. არა, ბატონებო, ენერგოუსაფრთხოება ისეთი ცნებაა, რომელიც შეიძლება, დავთვალოთ და მისი პარამეტრებიც შევაფასოთ. როდესაც ენერჯეტიკულ დამოუკიდებლობაზე ვსაუბრობთ, ვგულისხმობთ დამოუკიდებლობის პარამეტრების გაუმჯობესებას. ისედაც, ყველა ჰესი გარკვეულ, ეკონომიკურ მიკროკლიმატს ქმნის თითოეულ რეგიონში და ეკონომიკურ მდგომარეობას ანვითარებს. რეალურად, ჩავთვალოთ, რომ თითოეული მცირე ან საშუალო ჰესი ჩვეულებრივი სანარმოა, რომელიც პროდუქციას, ამ შემთხვევაში, ელექტროენერჯიას ქმნის.

– ეკონომიკური მდგომარეობის გაუმჯობესება ახსენეთ, მაგრამ რეალურად, რა პერსპექტივა აქვს ჰესების მშენებლობას განახლებადი ენერჯიების განსავითარებლად?

– ყველამ იცის, რომ მთელი მსოფლიო და განვითარებული ევროპა ახალ ენერჯეტიკაზე აპირებს გადასვლას, რომელიც აბსოლუტურად თავისუფალი უნდა იყოს წიაღისეული ენერგორესურსებისგან. მოკლედ, ევროპა ნახშირბადებიდან უნდა გათავისუფლდეს და ამ მხრივ, უზარმაზარი როლი ენიჭება ისეთ ახალ პროდუქტს, როგორცაა წყალბადი, უფრო ზუსტად, მწვანე წყალბადი. მის მისაღებად, გამოყენებულია განახლებადი ენერჯიების – ქარის, მზისა და ჰიდრორესურსები. ჩვენ მწვანე წყალბადის განვითარების საშუალება გვაქვს.

რამდენად მნიშვნელოვანია ამ პროდუქტის განვითარება, გერმანიის მაგალითზე აგისხნით, სადაც სპეციალური პროგრამა დაიწყო და 9 მილიარდი ევრო, სწორედ მწვანე წყალბადის განსავითარებლად გამოყვეს. ამ 9 მილიარდიდან, 7 მილიარდი ევრო დაიხარჯება გერმანიაში, ხოლო 2 მილიარდი ევრო – იმ ქვეყნებში, სადაც საშუალებაა, რომ განახლებადი ენერჯიებიდან მიღებული მწვანე წყალბადის ექსპორტი განხორციელდეს გერმანიაში. ვფიქრობ, რომ საქართველოს ამის პერსპექტივა ნამდვილად აქვს.

ეს ახალი მიმართულება ენერჯეტიკაში, სულ მალე, საკმაოდ მნიშვნელოვანი გახდება. რეალურად, ისეთი რესურსები ჩანაცვლდება, როგორებიცაა ბუნებრივი წიაღისეული, ნავთობი, გაზი... საქართველოს ახალი პროდუქტის – მწვანე წყალბადის წარმოების პერსპექტივა აქვს, რაც დამოკიდებულია განახლებადი ენერჯიების, პირველ რიგში, ჩვენი ძირითადი, ჰიდრორესურსის ათვისებაზე – ცხადია, ამ შემთხვევაში, ჰიდროელექტროსადგურების მშენებლობას ვგულისხმობ.

იმას არ ვამბობ, რომ ყველა პროექტი მომწონს, ასე ნამდვილად არ არის, არის პროექტები, სადაც კითხვის ნიშნებია, მაგრამ ჩვენ აუცილებლად უნდა განვაავითაროთ განახლებადი ენერჯიების წყაროების ათვისების დარგი.

ყველაფერი ეს, მდგრადი განვითარების პრინციპებზე დაყრდნობით უნდა განვახორციელოთ, სადაც ვიპოვოთ ოქროს შუალედს ეკონომიკის, გარემოსდაცვით და ტექნიკურ საკითხებს შორის.

ჰიდროენერჯეტიკამ გადამწყვეტი როლი შეასრულა მრავალი ქვეყნის ეკონომიკის განვითარებაში. მიმაჩნია, რომ ეს რესურსი გვაქვს და თუ მის ათვისებაზე უარს ვიტყვით, ქვეყანა ვერ განვითარდება. ჰიდრორესურსის ათვისებაზე უარის თქმა იცით, რას ნიშნავს? – იმას, რომ თავის დროზე, ნორვეგიას უარი ეთქვა ჰიდროენერჯეტიკის განვითარებაზე; სპარსეთის ყურის ქვეყნებს უარი ეთქვათ ნავთობის მოპოვებაზე; ჩვენს მეზობელ აზერბაიჯანს კი, ნავთობისა და გაზის მოპოვებაზე ეთქვა უარი.

ვფიქრობ, საქართველომ თავისი ჰიდრორესურსი მაქსიმალურად და ოპტიმალურად უნდა აითვისოს. ძალისხმევა დაგვჭირდება, მაგრამ არ მინდა, რომ დავაგვიანოთ. მწვანე წყალბადი ვახსენე და მალე, მის გამო ისეთივე ბრძოლები დაიწყება ბაზრების მოსაპოვებლად, როგორც წარსულში, კასპიის ნავთობის გამო იბრძოდა უამრავი ქვეყანა, მათ შორის, აშშ, დიდი ბრიტანეთი, რუსეთი, ჩინეთი, თურქეთი. თუმცა აზერბაიჯანმა და საქართველომ მოახერხეს და ამ ბრძოლაში გაიმარჯვეს – აზერბაიჯანმა, როგორც გაზისა და ნავთობის მომპოვებელმა, ხოლო საქართველომ, როგორც სატრანსპორტო ქვეყანამ. დღეს გვაქვს შანსი, რომ ძალიან მნიშვნელოვანი ქვეყანა გავხდეთ მწვანე წყალბადის მომავალ ბაზარზე, რომელიც უდიდესი ბაზარი იქნება. აქედან გამომდინარე, ვფიქრობ, ყველაფერი ეს, სტრატეგიულად უნდა გავიაზროთ.

გარდა ამისა, როდესაც ცალსახად, ჰესებზე უარს ვამბობთ, ამით თითოეული იმ კუთხის ეკონომიკურ განვითარებას ვუშლით ხელს, სადაც ეს ჰესები უნდა აშენდეს! გარდა ამისა, ძალიან ღარიბი ქვეყანა ვართ, რომ ასეთი რესურსის ათვისებაზე უარი ვთქვათ და ჩვენი ეკონომიკა არ განვითარდით.

– „რიონის მცველები“ ფიქრობენ, რომ ნამახვანჰესის მშენებლობა ლეჩხუმის კლიმატს შეცვლის, რასაც მინისძვრები, მენყერი მოჰყვება, ხოლო კაშხლები დაინგრევა და სოფლები დაიტბორება...

– არ შეიძლება ადამიანების შეშინება, რომ კაშხალი დაინგრევა. ბოლო 60 წელია, ბეტონის კაშხლები მსოფლიოს არცერთ ქვეყანაში არ დანგრეულა – ეს არის დღევანდელი, თანამედროვე, საუკეთესო საინჟინრო დარგი. მინისძვრების დროს იაპონიაში, ჩილეში, ჩინეთში, ირანში და სხვა ქვეყნებში ბეტონის გრავიტაციული კაშხლები არ დანგრეულა! ამის მიუხედავად, ნებისმიერი ჰიდროსადგურის მშენებლობის დროს, პროექტირების ეტაპზე, სპეციალისტები კაშხლის დანგრევის მოდელირებას ახორციელებენ და ამას იმიტომ აკეთებენ, რომ ისეთი სისტემა დანერგონ, რაც უსაფრთხოებისთვისაა აუცილებელი.

ყოველთვის აღვნიშნავ, რომ დიხ, პრობლემები გვექონდა და ამაზე საუბარს არ გავუბრუნებ – საქართველოში, რამდენიმე სადგურზე ავარია მოხდა, მაგრამ ეს ყველაფერი დეტალურად შევისწავლეთ. ამან მიგვიყვანა დასკვნამდე, რომ აუცილებელია, ასეთი ნაგებობების

საზედამხედველო ფუნქცია გაძლიერდეს. მეტიც, კონცეპტუალურად ახალი მიდგომაა საჭირო, რაც ნიშნავს, რომ მაღალი რისკის ნაგებობების კონტროლი უნდა განხორციელდეს, როგორც პროექტირების, ასევე, მშენებლობისა და მშენებლობის დასრულების ეტაპებზე. მუდმივი კვლევებია საჭირო, მაგრამ ხელალებით იმის თქმა, რომ ჰესები არ გვინდა ქვეყანაში, არ შეიძლება! ეს ქვეყნის ეკონომიკას საშინელ დარტყმას მიაყენებს, საქართველოს ეკონომიკა კი ამას ვერ გაუძლებს.

– პირდაპირ გეტყვით, ლოზუნგი – „არა, დიდ ჰესებს!“ – რუსული ნარატივის შედეგი მგონია.

– ენერჯეტიკა ის სფეროა, რომელიც ჰიბრიდული ომების ერთ-ერთი მიმართულებაა. მსოფლიოში ძალიან ბევრი მაგალითებია, როდესაც არაკეთილგანწყობილი ქვეყნები ნამდვილად ხელს უშლიან ენერჯეტიკის განვითარებას. სხვათა შორის, ყველა ქვეყანა ცდილობს, ენერჯეტიკული გავლენის მოპოვებას და ამ ომში, ჩვენ თავი უნდა დავიცვათ. დღეს, ელექტროენერჯის იმპორტის ნაწილში, 70%-ზე მეტით, მეზობელ ქვეყნებზე ვართ დამოკიდებული. მეზობელი ქვეყნების ენერჯეტიკული პოლიტიკა განსაზღვრავს დენის ტარიფს საქართველოში, საბოლოო ჯამში, კი დენის და სხვა ენერგომატარებლების ტარიფი პროდუქტების ფასებზეც აისახება.

შესაბამისად, ჰიდროენერჯეტიკის განვითარება უმნიშვნელოვანესია. კიდევ ერთხელ, ძალიან ვთხოვ ყველას – ჰესების მშენებლობის მონიშნულმდეგეებსაც და მომხრეებსაც, რომ რაციონალური გამოსავალი ვიპოვოთ! მართალია, უფასო საუბრე არ არსებობს ანუ შესაძლოა, ჰესების მშენებლობას ეკოლოგიური და გარემოსდაცვითი რისკები ახლავს, მაგრამ ამ საკითხების შესწავლით, ამ რისკების მინიმუმამდე შემცირება შეიძლება. ნახეთ, მსოფლიოს წარმატებული ქვეყნები, იგივე, იაპონია, რამდენ ახალ ჰესს აშენებს! იაპონიაში უამრავი მინისძვრაა, ინდო-ჩინეთში უამრავი ქვეყანაა, სადაც აქტიური ვულკანებია, მაგრამ ეს ქვეყნები ჰესებს აშენებენ.

– ბატონო დათო, როდის დასრულდება ენგურჰესის სარეაბილიტაციო სამუშაოები?

– აპრილის ბოლოს დასრულდება და მაისის პირველ ნახევარში დაიწყებს ფუნქციონირებას, რაც დიდი შედეგია იქნება საქართველოს ენერგოსისტემისთვის. ენგურჰესის გარეშე, სისტემის ფუნქციონირება ძალიან რთულია და ეს ორიოდე დღის წინ, მაღალი ძაბვის ელექტროგადამცემი ხაზის ავარიულმა გათიშვამაც დაადასტურა. დღეს რომ ენგურჰესი და ჟინვალჰესი არ გვექონდეს, რა მოხდებოდა, იცით? ენგურის გარეშე – ქვეყანა დენის, ხოლო ჟინვალის გარეშე – ამ ქვეყნის დედაქალაქი წყლის გარეშე იქნებოდა.

საქართველოში აუცილებლად უნდა აშენდეს რამდენიმე წყალსაცავიანი ჰესი. მეტსაც გეტყვით, წყლის შენახვის პრობლემაზე არ მისაუბრია, რაც შემდგომი 10-15 წლის განმავლობაში, ძალიან მნიშვნელოვანი გახდება. ჰესების წყალსაცავებში შენახული წყალი უმნიშვნელოვანესი რესურსი იქნება არა მარტო ელექტროენერჯის, არამედ, სასმელი წყლის თვალსაზრისითაც.



ბათო ჯაფარიძე

საქართველოს მოსახლეობის აბსოლუტური უმრავლესობა დასასვენებლად აჭარაში დადის. ზღვა და მზე ყველას იზიდავს, თუმცა იყო პერიოდი, როცა აჭარას ნაკლებად ეტანებოდნენ, როგორც ადგილობრივები, ისე სტუმრები. მთავარი საზღვაო კურორტი ულამაზესი აფხაზეთის სანაპირო იყო – გაგრა, ბიჭვინთა... რინის ტბაზე მოხვედრა ხომ, საერთოდ, ზღაპარი გახლდათ. სამწუხაროდ, ეს ულამაზესი მხარე საქართველოს იურისდიქციას დროებით აღარ ექვემდებარება და რუსეთის მიერაა ოკუპირებული. დასასვენებლად მიდიოდნენ არა მარტო რიგითი ადამიანები, არამედ, კრიმინალებიც. უფრო ზუსტად, ისინი „სამუშაოდ“ მიდიოდნენ და დამსვენებლებს ქურდავდნენ, ძარცვავდნენ, აყაჩაღებდნენ. ეს ადგილი სამოთხე იყო უცოლო კაცებისთვისაც, რადგან საბჭოთა კავშირის სხვადასხვა ქვეყნიდან ჩამოსული გოგონები მათ ანდამატივით იზიდავდა. ისტორია, რომელსაც ახლა გვიამბობთ, სწორედ აფხაზეთში დაიწყო და საქართველოს დედაქალაქში, ძალიან უცნაურად გაგრძელდა.

1982 წლის ზაფხულში, მილიციის განყოფილებაში შეტყობინება შევიდა – 40 წლის ქალი გააუპატიურესო. გაუპატიურება სკვერში მაშინ მოხდა, როცა ქალი შინ ბრუნდებოდა. მას თავში აგური ჩაარტყეს, გათიშეს და სანამ აზრზე მოვიდოდა, გააუპატიურეს. ერთ-ერთი სანარმოს რიგითი მუშა, ქმარ-შვილიანი ქალი, ნამდვილად არ იყო ისეთი შეხედულების, ვინმე განსაკუთრებულად გადარეულიყო. სამსახურშიც დადებითად დაახასიათეს, მეზობლებმაც მის პატიოსნებაზე თავი დადეს, თუმცა სამი დღის შემდეგ, ექსპერტიზამ საშინელი დასკვნა დადო – ქალთან კონტაქტი იმ მამაკაცს ჰქონდა, რომელსაც სიფილისი სჭირდა. მაშინ ჯერ კიდევ არ იყო მედიცინა იმ დონეზე განვითარებული, რომ სიფილისისთვის დროულად და მარტივად ემკურნალათ...

ორი დღის შემდეგ, კინოსეანსიდან შინ მიმავალი 19 წლის გოგონა სადარბაზოში შესვლისთანავე გათიშეს, ლიფტში შეათრეს და გააუპატიურეს. სამართალდამცავებმა ეს ორი შემთხვევა ერთმანეთს არ დაუკავშირეს, რადგან გოგონა მამა ერთ-ერთ სასჯელალსრულებით დაწესებულებაში, პოლკოვნიკის ჩინით, რეჟიმის უფროსად მსახურობდა. ამიტომ, იფიქრეს, რომ მასზე შური რომელიმე განაწყენებულმა პატიმარმა იძია და სამაგიერო ასე გადაუხადა. იმ კოლონიიდან ბოლო ერთ წელიწადში გათავისუფლებული პატიმრები გადაამონმეს, მაგრამ ეჭვი ვერავისზე მიიტანეს. ამასობაში, ექსპერტიზამ მორიგი დასკვნა დადო – გოგონა გააუპატიურა მამაკაცმა, რომელსაც სიფილისი ჰქონდა და რაც მთავარია, სისხლის ჯგუფი პირველი შემთხვევის იდენტური იყო. ორი გაუპატიურება და ორივე ერთი და იმავე პირის მიერ, უკვე სერიას ნიშნავდა. სამართალდამცავები ფიქრობდნენ, რომ საქმე მანიაკთან ჰქონდათ, მაგრამ სამი თვე ისე გავიდა, ანალოგიური შემთხვევა აღარ მომხდარა. სამი თვის შემდეგ კი...

„ორსულ ცოლსა და სიდედრთან ერთად, სკვერში, სუფთა ჰაერზე ვსეირნობდი. მოულოდნელად, ცოლს მუცელი ასტკივდა და სიდედრმა თქვა, სავარაუდოდ, მშობიარობა ეწყებაო. რადგან ღამე იყო და ვერავის დავეუძახებდი დასახმარებლად, ცოლი და სიდედრი სკვერში, სკამზე დავტოვე, მე კი უახლოესი ტელეფონისკენ გავიქეცი და სასწრაფო დახმარების მანქანა გამოვიძახე. უკან დაბრუნებულს საოცარი სურათი დამხვდა – ჩემი სიდედრი მიწაზე ეგდო, ცოლს კი ვიღაც ტანსაცმელს ახევდა. ჩემს დანახვაზე თავდამსხმელი გაიქცა, არ გავეკიდე, რადგან ცოლი ბოლო ხმაზე კიოდა და შველა სჭირდებოდა. სასწრაფო მალე მოვიდა. სიდედრს თავში ბლაგვი საგანი ჰქონდა ჩარტყმული

სერიული გაუპატიურებები თბილისში



ვინ არის მოძალადე, რომელიც მომაკვდინებელ ვენერიულ დაავადებას შეგნებულად ავრცელებდა

და შემდეგ მეუღლემაც დაადასტურა, რომ მამაკაცი უკნიდან მოეპარათ, სიდედრი გათიშა, ჩემი მეუღლის გაუპატიურება კი მხოლოდ იმიტომ ვერ მოახერხა, რომ მე დამინახა“, – ეს არის ამონარიდი ჩვენებიდან, რომელიც ერთ-ერთმა მამაკაცმა გამოძიებას მისცა.

მილიციის ბედად, იმის მიუხედავად, რომ ღამე იყო, სკვერი კარგად გახლდათ განათებული და მამაკაცმაც და ქალმაც თავდამსხმელის აღწერა შეძლეს. ის იყო მაღალი, ფიზიკურად საკმაოდ ძლიერი აღნაგობის, ხშირი შავი თმით და გრძელი ნიკაპით. გარდა იმისა, რომ სამართალდამცავებმა კარტოთეკა გადაათვალიერეს, სამედიცინო დაწესებულებებიდანაც ამოიღეს ცნობები იმის გასარკვევად, თუ ვინ მკურნალობდა სიფილისზე, მაგრამ საეჭვო ვერავინ ნახეს.

ერთ კვირაში, დედაქალაქში მორიგი გაუპატიურება მოხდა – ამჯერად 37 წლის ქალი, ოთხი შვილის დედა გააუპატიურეს. ხელწერა იგივე – საღამოს შინ მიმავალი, პროდუქტებით დატვირთული ქალი, თავში ბლაგვი საგნის ჩარტყმით გათიშეს და იძალადეს. სამართალდამცავები ექსპერტიზის დასკვნას აღარ გაუოცებია – მოძალადეს სიფილისი ჰქონდა!

ძიების პარალელურად, ფსიქოლოგებმა შეიმუშავეს დამნაშავეს ფსიქოლოგიური პროტრეტი. მათი თქმით, მოძალადემ იცოდა, რომ დაავადებული იყო და ამიტომ, სულ ერთი გახლდათ, ვისთან ექნებოდა სქესობრივი

კონტაქტი. ის გაბოროტებული იყო, თავი ჰქონდა გადაღებული და ცდილობდა, რაც შეიძლება, ბევრი ადამიანი დაესნებოვნებინა. რაც მთავარია, დაავადებული კაცი დედაქალაქში აღრიცხვაზე არ იყო და ივარაუდეს, რომ შესაძლოა, ის სამედიცინო სფეროს წარმომადგენელი ყოფილიყო და თავად მიმხვდარიყო, რაც სჭირდა.

დაიწყო ექიმების გადამოწმება. მაშინ ამ სფეროში იმდენად ცოტა სპეციალისტი იყო, რომ ყველა ერთ დღეში გადაამოწმეს, მაგრამ უშედეგოდ.

მორიგი მსხვერპლიც მალე გამოჩნდა – ახალგაზრდა ქალს მოძალადე სადარბაზოში დახვდა, მაგრამ მან მოტრიალება მოასწრო და თავისკენ წასული აგური აიცილა, შემდეგ მამაკაცს ხელი ჰკრა და კიბეზე დააგორა. ხმაურზე მეზობლები გამოვარდნენ, ატყდა ერთი ამბავი, კიბეზე დაგორებულმა მამაკაცმა კი გაქცევა ვეღარ შეძლო – ორი ნეკნი გაუტყდა, ფეხი იღრძო და წამოდგომას ვერ ახერხებდა. დაახლოებით, ათ წუთში, ადგილზე მილიციის მანქანაც მივიდა. დაკავებული მონინავე მუშა აღმოჩნდა, ე.წ. სტახანოველი, რომელიც დღე-დღეზე, საბჭოთა კავშირის შრომის გმირობაზე უნდა წარედგინათ.

„ვიცოდი, რომ გმირობაზე უნდა წარვედგინე. მითხრეს, მაქსიმუმ, ექვს თვეში ყველაფერი მოგვარდებაო. მანამდე კი საგზური მომცეს და დასასვენებლად აფხაზეთში გამიშვეს. იქ ერთი ქალი გავიცანი, რომელთანაც ორი კვირა გავატარე. როცა შინ მოვიდი, მითხრა, ბოდიში, მგონი რაღაც დაავადება მჭირს, აქ სამკურნალოდ ვარ ჩამოსული, ექიმებმა სხვა რამ მითხრეს, აქ სხვა რამ დამიდგინდაო. ავიჭერი, საავადმყოფოში წავიდი და სიფილისის განაჩენიც იქ გამომიტანეს. ეს ჩემთვის არა მარტო სასიკვდილო შეტყობინება იყო, არამედ, საბჭოთა კავშირის შრომის გმირის ნოდებასაც უნდა დავმშვიდობებოდი. თუ ექიმთან ვივლიდი, მაშინ აღმოჩნდებოდა, რომ საბჭოთა მოქალაქისთვის შეუფერებელ ცხოვრებას ვწეოდი, თუ არადა, იმაზე მალე მოვკვდებოდი, ვიდრე სიფილისით დაავადებულნი კვდებოდნენ. გადავწყვიტე, ექიმთან არ მევლო, გმირის დამსახურებული მედალი მიმელო და ქალებზე შური მეძია. მსურდა, მათაც გადადებოდათ ის დაავადება, რაც მე უცნობმა ქალმა, ჩემი აზრით, შეგნებულად ამკიდა“, – ეს არის ამონარიდი დაკავებულის ჩვენებიდან.

რა თქმა უნდა, დამნაშავეს გმირის ნოდება აღარ მიანიჭეს. სასამართლომ მას 11 წლით თავისუფლების აღკვეთა მიუსაჯა, მაგრამ ისედაც ცხადი იყო, რომ ის 11 წელს ვერ მოიხდიდა. რამდენიმე თვეში, მოძალადე ციხის საავადმყოფოში... სიფილისით გარდაიცვალა.

უკრაინაში ორი ქართველი „კანონიერი ქურდი“ დააკავეს

გასულ კვირას, ოდესელმა სამართალდამცავებმა, ე.წ. კანონიერ ქურდებზე ნამდვილი ნადირობა მოაწყვეს. 17 და 18 მარტს, ერთდროულად რამდენიმე სპეცოპერაცია ჩატარდა და უკრაინის ეროვნულმა პოლიციამ არაერთი კრიმინალი დააკავა, მათ შორის „კანონიერი ქურდებიც“ არიან.

„ჩვენს მიერ ჩატარებული სპეცოპერაციის შედეგად, დაკავებულია კრიმინალური დაჯგუფებების რამდენიმე წევრი, მათ შორის არიან „კანონიერი ქურდები“ – ლევან მირცხულავა (მეტსახელად, „ლევან სოხუმსკი“) და მამუკა ჩხაბერიძე (მეტსახელად, „ხონსკი“). მირცხულავას ბრალი უკრაინაში ჩადენილ დანაშაულებებში ედება, რაც კრიმინალური ბანდ-ფორმირების შექმნაში, ფულის გამოძალავასა და რეკეტში გამოიხატება, ჩხაბერიძე კი უკრაინის ტერიტორიაზე წესების დარღვევით მოხვდა. მან საზღვარი უკანონოდ გადაკვეთა და უკრაინაში შემოსვლის უფლების გარეშე, ის დეპორტირებული იქნება“, – ეს განცხადება უკრაინელმა სამართალდამცავებმა გაავრცელეს.

საინტერესოა, რომ 2005 წელს, მირცხულავამ საქართველოს მოქალაქეობაზე უარი თქვა და რუსეთის მოქალაქეობა მიიღო. თუ უკრაინული მხარე მის ექსტრადიციას რუსეთის ფედერაციაში განახორციელებს, იქ არსებული წესების თანახმად, „კანონიერი ქურდის“ სტატუსის გამო, 10-წლიანი სასჯელი ელოდება. დაკავებულის ადვოკატების განცხადებით, ყველაფერს გააკეთებენ, რათა მათი დაცვის ქვეშ მყოფი, რუსეთის ნაცვლად, თურქეთში გაამგზავრონ. მიიღებს თუ არა თურქული მხარე მამუკა ჩხაბერიძეს, ჯერჯერობით, უცნობია.

ბათო ჯაფარიძე

ქმარმა ცოლს ჯერ ძილის წამალი დააღვინა, შემდეგ კი თბილისის ზღვაში დაახრჩო

ხშირი იყო შემთხვევები, როცა რომელიმე გახმაურებული საქმე გამოიძიეს, თითქოს ყველანაირი მტკიცებულება არსებობდა, მაგრამ საზოგადოებას მაინც ეგონა, რომ მსჯავრდებულის სკამზე სხვა იჯდა, თუმცა „ზემოდან“ ითხოვდნენ, რომ საქმეში დიდი კითხვის ნიშნები არ ყოფილიყო და რაც მთავარია, გასამართლებული პირი პრესას არ დაეცვა. ხომ ხვდებით, პრესას რომ ვწერთ, რას ვგულისხმობთ? – მაშინ, კომუნიზმის მშენებლობის დროს, მთავარი გაზეთი „კომუნისტი“ გახლდათ და ის საბჭოთა მოსახლეობას მხოლოდ კარგ ამბებს ამცნობდა. გაზეთის გვერდები კომპარტიის ყრილობაზე გამომსვლელთა ხანგრძლივ მონოლოგებს ეთმობოდა, იყო შეჯიბრი, თუ ვინ და რამდენი ხუთწლივით უსწრებდა დროს. აი, გაზეთში რომ დაებეჭდათ, საბჭოთა სასამართლომ ვინმე არასწორად გასამართლო, საამისოდ ძალიან, ძალიან სერიოზული მიზეზი უნდა ჰქონოდათ და რაც მთავარია, ყველაფერი ეს, მინიმუმ, ადგილობრივი ცენტრალური კომიტეტის მდივანთან ყოფილიყო შეთანხმებული.

თითქოს, ყველაფერი ძალიან მარტივად დაიწყო. მილიციის განყოფილებაში ახალგაზრდა მამაკაცი მივიდა, რომელმაც თქვა, რომ თბილისის ზღვაზე, ცოლთან ერთად, პიკნიკისთვის წავიდა, თან გასაბერი ნავიც წაიღეს. ღამით დაიძინა, დილით კი ვერც ცოლი ნახა და ვერც – ნავი. ძილის წინ, ცოლმა რამდენჯერმე შესთავაზა, ღამით შევიდეთ ზღვაშიო, მაგრამ ქმარმა უარი უთხრა. კაცი ვარაუდობდა, რომ როცა ჩაეძინა, ცოლი მაინც შევიდა წყალში, ნავი ამოუყირავდა და დაიხრჩო.

„ადგილზე მაშინვე გავიდნენ მაშველები – მყვინთავები, სასწრაფო დახმარების მანქანა, სამართალდამცავები, ვერტმფრენიც კი, რადგან ზემოდან დაეთვალიერებინათ თბილისის წყალსაცავი. წესითა და რიგით, რეზინის ნავი არ უნდა ჩაძირულიყო, თუმცა ვერაფერი ნახეს. ზღვის ზედაპირზე არც ქალის კვალი ჩანდა, არც – ნავის. საქმეში მყვინთავები ჩაერთვნენ, თუმცა უშედეგოდ. ადგილ-ადგილ, თბილისის წყალსაცავი 40 მეტრის სიღრმისადაც კი არის და იქამდე ჩაყვინთვა შეუძლებელია“, – იხსენებს პოლიციის გადამდგარი პოლკოვნიკი, ბატონი თენგიზი.

ძებნა რამდენიმე დღეს გაგრძელდა. იმის იმედი, რომ მესამე დღეს, წყალი გვამს ამოაგდებდა, არ გამართლდა. გაჩნდა საფუძვლიანი ეჭვი, რომ ქალს რაიმე სიმძიმე შეაბეს და წყალში ისე ჩააგდეს. მთავარ ეჭვიმტანილად კი ქმარი გამოაცხადეს, თუმცა მან ხელეობა გაშალა – დილით ერთი მეთევზე ვნახე, რომელიც მეორე ნაპირზე თევზაობდა და მან მითხრა, დავინახე, როგორ შევიდა შენი ცოლი ღამე, ზღვაში მარტო, თანაც ნავითო და გეზი შუა წყლისკენ აიღოო. ეს უკვე ალიბი იყო, რადგან თუ ქალი მარტო იყო, მაშინ ქმარზე ეჭვი ტყუილად მიჰქონდათ. სამართალდამცავებს ახლა ის მეთევზე უნდა მოეძებნათ და ქმართან ერთად, ზღვაზე რამდენიმე დღე იარეს.

მეშვიდე დღეს, კაცმა მეთევზე იცნო, სწორედ ეს იყო, ჩემი ცოლი რომ დაინახაო. ასაკიანი კაცი დასაკითხად წაიყვანეს, მან კი...

„იმდენად სასწრაფო კვებითი იყო, შემეცოდა და მოვატყუე. არავინ დამინახავს. ვიფიქრე, სადღაც იქნება გაპარული, ქმარს ეთამაშება, ანერვიულებს-მეთქი. ბოდვის გიხდით, რომ მოვიტყუე, არ მეგონა, თუ საქმე ასე სერიოზულად იყო“, – აღმოხდა მეთევზეს.

მთავარ ეჭვიმტანილად კვლავ ქმარი იქცა, მაგრამ როგორც იქნა, წყალმა გვამი გამოორიყა. მას ძალადობის ნიშანები არ ეტყობოდა, სისხლის ანალიზმაც აჩვენა, რომ ორგანიზმში არც სანამლაგი იყო, არც – ალკოჰოლი. ეს იმის მიუხედავად, რომ ქმარი ამტკიცებდა, ძილის წინ, ას-ასი გრამი კონიაკი მოვწრუპეთო. საქმე უბედური შემთხვევის სტატუსით უნდა დახურულიყო, მაგრამ...



ოჯახური დრამა, რომელმაც მთელი საქართველო შეძრა

„მოულოდნელად, სამინისტროდან დარეკეს და კატეგორიულად მოითხოვეს, ნავი მოგვეძებნა ანუ ჩაძირული რეზინის ნავი ნებისმიერ ფასად უნდა გვენახა. ვერც სამინისტროს გაჯიუტების მიზეზს მივხვდი და ვერც – იმას, როგორ უნდა ამოგველო 40 მეტრის სიღრმიდან რეზინის ნავი, თუმცა შესაბამისი სპეციალისტები ჩართეს, სპეციალურ კაუჭებზე სიმძიმეები მოაბეს, ფსკერამდე გრძელი თოკებით ჩაუშვეს და ალაღ-ბეღ-ზე, ნავის ძებნის პროცედურა დაიწყო. გამიკვირდა, მაგრამ სამ საათში, კაუჭი ნავს წამოედო და ნაპირზე ამოვართიეთ. რამდენიმე ადგილზე, ნავი გახეული იყო ანუ კაუჭის გამოდების შედეგად დაზიანდა, თუმცა შუაგულში, ორ ადგილას, დანით გაჭრილი გახლდათ. გაჭრილი ადგილები ამკარად ძველი გაკეთებული იყო, მაგრამ ასეც რომ არ ყოფილიყო, სწორხაზოვან ჭრილს ჩვენი კაუჭი ვერ გააკეთებდა“, – გვიყვება ბატონი თენგიზი.

ნავის დათვალიერების შემდეგ, სამართალდამცავებმა ქმრის სახლი გაჩხრიკეს და ხელნაკეთ დანას მიაგნეს. კაცს არ დაუმაღავს, რომ იმ დღეს, დანა თან ჰქონდა, მაგრამ მხოლოდ კონსერვის გასახსნელად გამოიყენა. სამაგიეროდ, ნავზე აღმოჩენილი გაჭრილი ადგილი, დანის პირს ასე პროცენტით ემთხვეოდა. გამომძიებლებმა დაკითხეს წყვილის ყველა ნაცნობი და მეგობარი, ყველა თანამშრომელი (ისინი ერთ-ერთ კვლევით ინსტიტუტში, ერთად მუშაობდნენ) და გაარკვიეს, რომ ბოლო დროს, წყვილს სერიოზული უთანხმოება ჰქონდა, მიზეზი კი ქმრის მუდმივი ლალატი იყო. გარდაცვლილმა რამდენჯერმე სახლშიც კი მიუსწრო ქმარს, როცა ის სხვა ქალთან ერთად ნებივრობდა. ეს საკვებით საკმარისი გახლდათ, რომ ქმარი დაეკავებინათ და საქმე სასამართლოში გადაეგზავნათ.

„ბრალდებულის სახლში აღმოვაჩინეთ ბოთლი, სადაც საძილე წამალი იყო. მას საკმარისი ოდენობა აკლდა და ვივარაუდეთ, რომ მან ცოლი დააძინა, შემდეგ ნავი დანით გაჭრა, მძინარე ქალი შიგნით ჩაანვიხა და ზღვაში შეაყურა. წყალი ნელ-ნელა, მაგრამ მაინც აივსო ისე, რომ ნავი ჩაიძირა. ექსპერტებმა დაადასტურეს, გვამი იმდენ ხანს იყო წყალში, ადვილი შესაძლებელი გახლდათ, სხეულიდან ყველანაირი ნივთიერება განდევნილიყო და ის წყალს შეეგვსო. აკი, ვერც ალკოჰო-

ლის კვალი იპოვეს და ეს, იმის მიუხედავად, რომ ქმარი ამტკიცებდა, კონიაკი დავლიეთო.

სასამართლო მალე დასრულდა და იმის მიუხედავად, რომ ბრალდებული ყველაფერს უარყოფდა, 15 წლით თავისუფლების აღკვეთა მიუსაჯეს“, – იხსენებს ბატონი თენგიზი.

განაჩენის გამოცხადებიდან ორ დღეში, „კომუნისტი“ დაიწერა არცთუ მცირე ზომის სტატია, სადაც ჟურნალისტი ამტკიცებდა, რომ სასამართლო შეცდა და მართალი ადამიანი ციხეში 15 წლით გაუშვა. ეს უკვე უდიდესი სკანდალი იყო. ტირაჟი დახლებიდან მალე გააქრეს, მაგრამ რად გინდა – ღამის, მთელ საქართველოს კომუნისტი გამოწერილი ჰქონდა (არ გამოიწერდნენ და მათი აჯობებდა). ეს სტატია საკმარისი აღმოჩნდა, რომ საქმე სააპელაციო სასამართლოში წასულიყო. ამჯერად, ხანგრძლივი განხილვის შემდეგ, მსჯავრდებული მაინც დამნაშავედ სცნეს და პირველი ინსტანციის სასამართლოს მიერ გამოტანილი ვერდიქტი – 15 წელი, ძალაში დატოვეს.

„მაშინ შემთხვევით არაფერი ხდებოდა. იმასაც მივხვდი, რომ გაზეთში ასეთი რამის დაწერას ვერ გაბედავდნენ. მოვიკითხე და ჭორად თქვეს, ამ კაცმა რაღაც აღმოაჩინა, თუმცა კვლევითი ინსტიტუტის დირექტორმა მიითვისა და ამის გამო, ერთმანეთში მტრობა ჰქონდათ. სწორედ დირექტორის ინტერესი იყო, კაცი ხანგრძლივად გაეშვათ ციხეში და საამისოდ ყველაფერი გააკეთათ, თუმცა მას ზედა ეშელონებში, მეგობრების გარდა, მტრებიც ჰყავდა და ის საგაზეთო სტატია, სწორედ მტრებმა გაიტანეს კბილებით. დღესაც მჯერა, რომ დამნაშავე ჩავსვით ციხეში, რადგან თუნდაც ნავი ამოყირავებულიყო და უბედური შემთხვევა მომხდარიყო, გარდაცვლილის ყველა მეგობარი თუ ნაცნობი ამტკიცებდა, რომ ქალი საოცრად ცურავდა ანუ ის ზღვიდან გამოსვლას შეძლებდა. ეგ კი არა, წლების მერე, ერთ-ერთმა კოლეგამ, რომელიც უკვე პენსიაზე იყო და არცთუ იშვიათად, სწორედ თბილისის ზღვაზე დადიოდა სათევზაოდ, მითხრა, ის კაცი ვნახე, ცოლის მკვლელობაზე 15 წელი რომ მიუსაჯეს, ამოსული იყო, ზღვის ნაპირთან იდგა, შემდეგ, ყვავილებისგან შეკრული მცირე თაიგული წყალში შეაყურა და ნავიდაო“, – დაასრულა მოყოლა ბატონმა თენგიზმა.

ერთი შეხედვით, კომუნიზმის მშენებლობის დროს, მასშტაბური აფერის ნაშრომები და განხორციელება წარმოუდგენელი ჩანდა. მაშინდელი უშიშროება ყველას და ყველაფერს აკონტროლებდა და არც მილიციას ეძინა. ამის მიუხედავად, განსაკუთრებით ნიჭიერი ადამიანები მაინც ახერხებდნენ, როგორც სამართალდამცავთა, ისე – რიგითი ადამიანების გაოცებას.

„მილიციაში მუშაობა რთული და საპასუხისმგებლო გახლდათ, მაგრამ პრივილეგიებიც გვქონდა. საგზურები – ურიგოდ, ავტომანქანის რიგშიც წლობით არ ვწვალდობდით და არც ბინის რიგი იყო უაზროდ განვლილი. ამავდროულად, ცეცხლსასროლი იარაღი მუდმივად გვქონდა და რაც მთავარია, მილიციელის ჩინი უფლებას გაძლევდა, სერიოზული სანადირო თოფი გეყიდა. სწორედ ამ მიზნით, შვებულება ავიღე და ორი კვირით, ტულაში წავედი. მეუღლეს წავიყვანე, რათა დასვენება ოჯახურ გარემოში შემძლებოდა და იმის იმედიც მქონდა, რომ ტულის იარაღის ქარხანაში, რომელიც არა მარტო საბჭოთა კავშირში, არამედ, მთელ მსოფლიოში იყო განთქმული, რაიმე განსაკუთრებულ თოფს შევიძინებდი. ამბობდნენ, იქ ცალკე საცავია, სადაც სპეცშეკვეთით დამზადებული თოფები იყიდებაო და არც თუ უსაფუძვლოდ. რამდენიმე კოლეგასთან, განსხვავებული თოფები ნანახი მქონდა და ისიც ვიცოდი, ვინ უნდა მენახა, რა უნდა მეთქვა და რამდენი უნდა გადამეხადა „ლევად“. ჰო, მე, მილიციის კაპიტანს, ქრთამი უნდა მიმეცა“, – გვიყვება ძალიან საინტერესო და სახალისო ისტორიას პოლიციის გადამდგარი პოლკოვნიკი, ბატონი თენგიზი.

გარდა იმისა, რომ ტულაში, ლამის ნახევარი ქალაქი, სწორედ იარაღის ქარხანაში მუშაობს და იქ ნაწარმოები ცეცხლსასროლი იარაღი მთელ მსოფლიოშია განთქმული, ქალაქის მოსახლეობა თავს თაფლაკვერით („პრიანიკი“) იწონებს. იქ ამ ნუგბარს განსაკუთრებული რეცეპტით აკეთებენ და ასე განსაჯეთ, ქალაქში, მსოფლიოში ერთადერთი თაფლაკვერის ძეგლიც კი დგას.

„მოდით, მე „პრიანიკს“ ვიტყვი იმიტომ, რომ მთელი ბავშვობა „პრიანიკს“ ვჭამდი, თანაც საქართველოში, ხომ იცით, როგორ აკეთებდნენ? რეზინასავით უნდა დაგეღებოდა და თუ დაძველებოდა, კბილები უნდა მიგემტვრია. იქ კი მართლა განსაკუთრებული გემო ჰქონდა და სხვადასხვანაირი შიგთავსით ამზადებდნენ. იყო რამდენიმე ადგილი, სადაც ცხობის პროცესს უყურებდი და თბილ ნუგბარს ჭამდი. მოკლედ, მე და ჩემი მეუღლე კარგად ვერთობოდით, როცა ნამდვილი ჯოჯოხეთი დაინწყო. ერთ დღიას, ქალაქში სეირნობის დროს, რამდენიმე ადგილზე, ცნობილი რუსი მსახიობისა და მომღერლის, ლუდმილა გურჩენკოს სურათიანი აფიშები გამოჩნდა. აფიშებით ადგილობრივებს აუწყებდნენ, რომ სამი დღის განმავლობაში, გურჩენკო კონცერტს გამართავდა. შესაძლოა, ბევრმა არ იცის, მაგრამ ვიდრე გურჩენკო, როგორც მსახიობი, ისე გახდებოდა ლეგენდა, არცთუ ურიგო მომღერალი იყო. მას თავისი ჯგუფი ჰყავდა და საბჭოთა კავშირის მასშტაბით, კონცერტებს მართავდა. ცოლი გადამეკიდა, გინდა თუ არა, ბილეთი უნდა იშოვოო და სალაროში რომ მივვდი, დამცინეს, მხოლოდ გადამყიდველებთან თუ ნახავ, ჩვენამდე არც მოუტანიათო“, – იხსენებს ბატონი თენგიზი.

გადამყიდველებთან ბილეთების ფასი 30 მანეთიდან იწყებოდა. ტულას საკონცერტო დარბაზი 4 000 მაყურებელს იტევდა ანუ ხომ ხვდებით, რა თანხებზე იყო საუბარი, თანაც გურჩენკოს თაყვანისმცემლები ცდილობდნენ, ბილეთები სამივე დღისთვის შეეძინათ. შეყვარებულ ბიჭებს, გოგონებისთვის სიყვარული რომ დაემტკიცებინათ, კონცერტის ბილეთი უნდა ეჩუქებინათ. ასეთ პირობებში, ბატონი თენგიზი იძულებული გახდა, ადგილობრივი სამართალდამცველებისთვის მიემართა და მათთვის ეთხოვა, ეგებ, ორი ბილეთი

თადლითობა ესტრადის მომღერლების სახელით

როგორ გადაურჩა ტულაში სიკვდილს ქართველი სამართალდამცავი და როგორ გავიდა მილიცია დამნაშავეებზე

მიშოვოთ, უცხო კაცს რომ მხედავენ, 30-ის ნაცვლად, 100 მანეთად მაჩვენებენო. კოლეგებმა უთხრეს, ფული ტყუილად არ გადაყარო, გურჩენკო არ ჩამოდის, აფერისტების ჯგუფია, სხვადასხვა ქალაქში დადიან, აფიშებს აკრავენ, ხან გურჩენკო ჩაჰყავთ, ხან – პუგაჩოვა, ბილეთებს ჰყიდიან და ფულთან ერთად ქრებიანო.

„მაშინვე ვიკითხე, გადამყიდველებიც მაგათი ხალხია და რატომ არ აკავებთ-მეთქი, მაგრამ დამამშვიდეს, მეთაური კონცერტის დღეს ჩამოდის, ფულს ანაწილებს და შემდეგ ქრება, იმის ჩამოსვლას ველოდებითო. ვთხოვე, აყვანის ოპერაციაში თუ მონაწილეობას არ მიმაღებინებთ, მაყურებლებს მაინც-მეთქი და უარი არ უთქვამთ. ჩემთვის – გამოცდილება, იმათთვის კი ერთი ზედმეტი და თან მათ მხარეს მყოფი, სამოქალაქო ფორმაში გამოწყობილი კაცი მისწრება იქნებოდა. ცოლს გული დასწყდა, გურჩენკოს ვერ ვნახავო, მე კი კონცერტის დღეს, გაზეთით ხელში, ვაგზალზე ვიდექი და იმ მატარებელს ველოდი, რომლითაც აფერისტთა მეთაური უნდა ჩამოსულიყო. აყვანას არ ჩქარობდნენ, რადგან მეთაური დაჯგუფების სხვა წევრებს კონსპირაციულ ბინაში უნდა შეხვედროდა, სადაც ფულს გაანაწილებდა. ვიცოდი, რომ ჩვენთვის საინტერესო ობიექტს გრძელი ლაბადა ეცვა და ცილინდრი ეხურა. ვაგონიც ვიცოდი და გამოვიდა თუ არა, მაშინვე თვალში მომხვდა, მაგრამ თვალში ისიც მომხვდა, როგორ არაპროფესიონალურად მოქმედებდნენ ჩემი კოლეგები. შტერი უნდა ყოფილიყავი, რომ ვერ შეგემჩნია თვალთვალი და აკი, მანაც შენიშნა. აჩქარებული ნაბიჯით წავიდა გასასვლელისკენ, გზად ლაბადა გაიხადა, ცილინდრიც ზედ მიაყოლა, სანაგვეში ჩაკუჭა და გზა გააგრძელა. აზრი აღარ ჰქონდა თვალთვალს, უნდა აგვეყვანა და რადგან ყველაზე ახლოს მე ვიყავი, წინ ღიმილით გადავუდექი და მართალია, ქართული, მაგრამ მაინც მილიციელის მონაშობა გავუშალე“, – გვიყვება ბატონი თენგიზი.

რაც შემდეგ მოხდა, არავინ ელოდა. ეჭვიმტანილმა სახელოდან ბებუთი გამოაძრო და ქართველ სამართალდამცავს მუცელში ხელის ერთი მოქნევით გაუყარა. აფერისტისგან ამას არ ველოდიო, მოგვიანებით იტყვის ბატონი თენგიზი. სამართალდამცავთა ნაწილი ქართველ კოლეგას ეცა და საავადმყოფოში გააქანა, ნაწილი კი გაქცეულს დაედევნა. იმის მიუხედავად, რომ სპეცოპერაციაში მონაწილეობას 30-მდე სამართალდამცავი იღებდა, ეჭვიმტანილმა მიმალვა მოახერხა. მილიციამ აგენტურული ქსელი აამუშავა, გადაიკეტა ქალაქიდან გასასვლელი ყველა გზა, ავტომობილებს ჩხრეკდნენ და საბარგულს ხსნიდნენ, 24-საათიანი კონტროლი დაწესდა მატარებლებზე, მაგრამ ნახევარმილიონიან ქალაქში, ერთი კაცის მოძებნა ძნელი იყო. სამართალდამცავებმა დააკავეს მთავარი ეჭვიმტანლის რამდენიმე მეგობარი, გაიგეს კონსპირაციული ბინის მისამართი, მაგრამ იქ არავინ გამოჩენილა. რაც მთავარია, დამნაშავეებმა უფროსისთვის ვერ მოასწრეს ფულის გადაცემა ანუ გამოძიებულთა გათვლით, მას თან დიდი თანხა არ უნდა ჰქონოდა და მაქსიმუმ, ერთ



კვირაში, სწორედ უფულობის გამო, გარკვეული მოძრაობა უნდა დაეწყო. საბედნიეროდ, ქართველი კაპიტანის ჭრილობა სიცოცხლისთვის საშიში არ აღმოჩნდა, ექიმებმაც ივარგეს და მესამე დღეს, ის უკვე სახლში, უფრო სწორად, სასტუმროში განერეს, ერთი კვირის შემდეგ კი ოპერატიულ მუშაობაში ჩაერთო.

„ახლა უკვე პრინციპის საქმე იყო მისი დაკავება. ვიცოდი, ქალაქიდან გასვლას ვერ მოახერხებდა და ადრე თუ გვიან, წასასვლელად რამე უნდა მოემოქმედებინა. ამიტომ, მეც და მთელი შემადგენლობაც, პრაქტიკულად, 24-საათიან რეჟიმში ვმუშაობდით. მოსკოვიდან მითითება იყო მოსული, დამნაშავე უნდა დაგვეკავებინა, რადგან ცრუ კონცერტების ორგანიზებიდან, მთლიანობაში, 200 ათას მანეთზე მეტი ჰქონდა მითვისებული. ორი კვირის შემდეგ, კვანძი გაიხსნა“, – გვიყვება ბატონი თენგიზი.

ორი კვირის შემდეგ, ერთ-ერთმა ინფორმატორმა თქვა, რომ ქალაქის გარეუბანში, მოხუც ქალს ახალი მდგმური ჰყავდა. იმის მიუხედავად, რომ მოხუცი ძლივს დადიოდა, ყოველ მესამე დღეს, პროდუქტების საყიდლად, სწორედ ის გამოდიოდა მალაზიაში და არა – მდგმური. გამოდის, მდგმურს დასამალად ჰქონდა საქმე. სახლის თვალთვალი დაინყო და მეორე დღეს დადასტურდა, რომ სამართალდამცავებისთვის საინტერესო კაცი, სწორედ იქ იმალებოდა. გადაწყდა, ის მაშინ აეყვანათ, როცა მოხუცი მალაზიაში წავიდოდა, რადგან უკვე იცოდნენ, აფერისტი მკვლელობაზეც კი იყო ნამსვლელი.

აყვანა უხმაუროდ მოხდა, მაგრამ ისიც გაირკვა, რომ უფულობა დაკავებულს არ ადარდებდა. ის მოხუცს დღეში 10 მანეთად მოურიგდა, თან იმ პირობით, რომ მალაზიაში ქალი ივლიდა. მაშინ ეს დიდი ფული იყო და იმის მიუხედავად, რომ კაცს თან მხოლოდ 200 მანეთი ჰქონდა, თავი ადვილად გაჰქონდა. მან მისვლისთანავე, 20 დღის ფული ანუ მთლიანი თანხა ჩაუთვალა მოხუცს, შემდეგ დააკვირდა, სად ინახავდა ფულს და მალაზიაში გაგზავნის წინ, სწორედ იმ შენახული ფულიდან აძლევდა პროდუქტებისთვის საჭირო თანხას. მის ამფსონებს, სასამართლომ 7-7 წელი მიუსაჯა, უშუალოდ მას კი – 12, რადგან აფერისტობასთან ერთად, დაჭრის მუხლითაც გაასამართლეს.

პოლიციამ „ქურდული სამყაროს“ წევრობისა და გამოძალვის ფაქტებზე, ქვემო ქართლში, ორი პირი დააკავა



პოლიციამ „ქურდული სამყაროს“ წევრობისა და გამოძალვის ფაქტებზე ქვემო ქართლში ორი პირი დააკავა

შინაგან საქმეთა სამინისტროს ქვემო ქართლის პოლიციის დეპარტამენტის გარდაბნის რაიონული სამმართველოსა და რუსთავის რაიონული პროკურატურის თანამშრომლებმა, ერთობლივად ჩატარებული ოპერატიულ-სამძებრო და საგამოძიებო ღონისძიებების შედეგად, სასამართლოს განჩინების საფუძველზე, ორი პირი დააკავეს.

1968 წელს დაბადებულ, წარსულში ნასამართლევ ხ.პ.-სა და 1972 წელს დაბადებულ ე.ა.-ს, „ქურდული სამყაროს“ წევრობა და გამოძალვა ედებათ ბრალად. დანაშაულები 4-დან 10 წლამდე ვადით თავისუფლების აღკვეთას ითვალისწინებს.

საქმეზე ჩატარებული საგამოძიებო მოქმედებებით დადგინდა, რომ ხ.პ. და ე.ა., „ქურდული სამყაროს“ მიერ დადგენილი წესებით მოქმედებდნენ. ბრალდებული ხ.პ., სხვადასხვა პირის დაშინების გზით, პირადი და „ქურდული სამყაროსათვის“ მატერიალური სარგებლის მიღებას ცდილობდა. იგი საზღვარგარეთ მცხოვრები ერთ-ერთი კრიმინალური ავტორიტეტის დავალებით, თავისი ნდობით აღჭურვილი პირის, მეორე ბრალდებულის - ე.ა.-ს შუამავლობით, სისტემატურად უკავშირდებოდა თანასოფელს და ოჯახის წევრების სიცოცხლის მოსპობის, ასევე, ჯანმრთელობის დაზიანების მუქარით, „ქურდული სამყაროს“ სასარგებლოდ, თანხას სძალავდა.

პოლიციამ ორივე ბრალდებული მოსამართლის განჩინების საფუძველზე, გარდაბნის მუნიციპალიტეტში, საკუთარ საცხოვრებელ სახლებში დააკავა.

„ქურდული სამყაროს“ წევრობისა და გამოძალვის ფაქტებზე, გამოძიება საქართველოს სსკ-ის 223-ე პრიმა მუხლით და 181-ე მუხლით მიმდინარეობს.

კახეთის პოლიციამ ერთი პირი დააკავა

შინაგან საქმეთა სამინისტროს კახეთის პოლიციის დეპარტამენტის თანამშრომლებმა, ჩატარებული ოპერატიულ-სამძებრო და საგამოძიებო ღონისძიებების შედეგად, 1981 წელს დაბადებული ი.მ. დააკავეს. მას ბრალი ტრანსპორტის მოძრაობის უსაფრთხოების წესის დარღვევაში ედება, რამაც ადამიანის სიცოცხლის მოსპობა გამოიწვია.

დანაშაული 4-დან 7 წლამდე ვადით თავისუფლების აღკვეთას ითვალისწინებს.

გამოძიებით დადგინდა, რომ ბრალდებული, მიმდინარე წლის 18 მარტს, ღამით, საგარეჯოს მუნიციპალიტეტის სოფელ კაკაბეთში, ტრაქტორით შეეჯახა ქვეითად მოსიარულე თანასოფელს - 1965 წელს დაბადებულ ნ.პ., რის შემდეგაც შემთხვევის ადგილიდან მიიშალა. ნ.პ. შემთხვევის ადგილზე გარდაიცვალა.

გამოძიება საქართველოს სსკ-ის 276-ე მუხლის მე-6 ნაწილით მიმდინარეობს, რაც ტრანსპორტის მოძრაობის უსაფრთხოების ან ექსპლუატაციის წესის დარღვევას გულისხმობს, რამაც ადამიანის სიცოცხლის მოსპობა გამოიწვია.

შინაგან საქმეთა სამინისტრომ უკანონო იარაღი და საბრძოლო მასალა ამოიღო – დააკავებულება ერთი პირი

შინაგან საქმეთა სამინისტროს ცენტრალური კრიმინალური პოლიციის დეპარტამენტის ორგანიზებულ დანაშაულთან ბრძოლის მთავარი სამმართველოს თანამშრომლებმა, ჩატარებული ოპერატიული და საგამოძიებო ღონისძიებების შედეგად, 1973 წელს დაბადებული ო.რ., ცეცხლსასროლი იარაღისა და საბრძოლო მასალის მართლსაწინააღმდეგო შექმნა-შენახვისა და გადაზიდვის ბრალდებით დააკავეს.

დანაშაული 6-დან 9 წლამდე ვადით თავისუფლების აღკვეთას ითვალისწინებს.

სამართალდამცველებმა ო.რ., თბილისი-სენაკი-ლესელიძის საავტომობილო გზის მონაკვეთზე იმ დროს დააკავეს, როცა მას საკუთარი ავტომანქანით უკანონო იარაღი გადაჰქონდა. პოლიციამ, ბრალდებულის ავტომანქანის ჩხრეკისას, 2 ავტომატური ცეცხლსასროლი იარაღი, 3 მჭიდი და ავტომატური ცეცხლსასროლი იარაღისთვის განკუთვნილი 1000-მდე საბრძოლო ვაზნა ნივთმტკიცებად ამოიღო.

ცეცხლსასროლი იარაღისა და საბრძოლო მასალის მართლსაწინააღმდეგო შექმნა-შენახვისა და გადაზიდვის ფაქტზე, გამოძიება საქართველოს სსსხლის სამართლის კოდექსის 236-ე მუხლის მე-3 და მე-5 ნაწილებით მიმდინარეობს.



პოლიციამ უკანონო იარაღი და საბრძოლო მასალა ამოიღო დააკავებულება ერთი პირი

ნიკოლოზ შარაძემ მესაზღვრეებს პროფესიული დღე მიულოცა



მესაზღვრის დღესთან დაკავშირებით, შინაგან საქმეთა სამინისტროს სასაზღვრო პოლიციის უფროსი, პოლკოვნიკი ნიკოლოზ შარაძე, სახმელეთო საზღვრის დაცვის დეპარტამენტის ხელმძღვანელთან, პოლკოვნიკ გორა ჯანჯღავასთან ერთად, სასაზღვრო სექტორ „ლეკისყურეს“ ესტუმრა.

პოლკოვნიკმა ნიკოლოზ შარაძემ მესაზღვრეებს პროფესიული დღე მიულოცა და სახელმწიფო საზღვრის დასაცავად განეული ერთგული და კეთილსინდისიერი სამსახურისთვის მადლობა გადაუხადა.

სასაზღვრო პოლიციის უფროსმა უწყების შესაძლებლობების გაძლიერებაზე ისაუბრა.

„შინაგან საქმეთა მინისტრისთვის, სასაზღვრო პოლიციის გაძლიერება, ერთ-ერთი პრიორიტეტული საკითხია და, ამ კუთხით, 2020 წელს, განსაკუთრებით მნიშვნელოვანი ნაბიჯები გადაიდგა: გაუმჯობესდა სასაზღვრო ინფრასტრუქტურა, სახელმწიფო საზღვარი დაკვირვების თანამედროვე ტექნიკური საშუალებებით აღიჭურვა, განვითარდა სასაზღვრო ავიაციის შესაძლებლობები და კიდევ უფრო გაღრმავდა თანამშრომლობა ჩრდილოატლანტიკურ ალიანსთან. განსაკუთრებულად მინდა გამოვყო, რომ გასულ წელს, აშშ-ის თავდაცვის საფრთხეების შემცირების სააგენტოს (DTRA) მხარდაჭერით, აშენდა 4 სასაზღვრო სექტორი და მოენყო შესაბამისი ინფრასტრუქტურა. სექტორი „ლეკისყურე“, რომლის ტერიტორიაზეც ახლა ვიმყოფებით, ერთ-ერთია ამ ოთხ სექტორს შორის. აღჭურვილია თანამედროვე ტექნიკური საშუალებებით. ვაგრძელებთ აქტიურ მუშაობას სასაზღვრო პოლიციის კიდევ უფრო გაძლიერებისა და მესაზღვრეების სამუშაო პირობების გასაუმჯობესებლად“, - განაცხადა ნიკოლოზ შარაძემ.

სასაზღვრო პოლიციის უფროსმა სახმელეთო საზღვრის დაცვის დეპარტამენტის თანამშრომლები სამსახურებრივი მოვალეობის სანიმუშოდ შესრულებისა და მიღწეული წარმატებებისთვის დააჯილდოვა. მათ შორის, 5 მესაზღვრე, შინაგან საქმეთა სამინისტროს სამკერდე ნიშნით „უმნიკვლო სამსახურისათვის“ დაჯილდოვდა.

გურიის პოლიციამ სოფელ ნატანებში მომხდარი მკვლელობის ფაქტი გახსნა – დააკავებულება ერთი პირი

შინაგან საქმეთა სამინისტროს გურიის პოლიციის დეპარტამენტის თანამშრომლებმა, ჩატარებული ოპერატიულ-სამძებრო და საგამოძიებო ღონისძიებების შედეგად, 1999 წელს დაბადებული რ.ა. დააკავეს.

მას ოჯახის წევრის მიმართ დამამძიმებელ გარემოებაში ჩადენილი განზრახ მკვლელობა და ცეცხლსასროლი იარაღის უკანონო შექმნა-შენახვა-ტარება ედება ბრალად.

დანაშაული 13-დან 17 წლამდე ვადით თავისუფლების აღკვეთას ითვალისწინებს.

გამოძიებით დადგინდა, რომ ბრალდებულმა, მიმდინარე წლის 21 იანვარს, ოზურგეთის მუნიციპალიტეტის სოფელ ნატანებში, მშობლების საცხოვრებელ სახლში, ოჯახური კონფლიქტის დროს, მამას - 1960 წელს დაბადებულ ა.ფ.-ს, ცივი იარაღის გამოყენებით, რამდენიმე ჭრილობა მიაყენა და მიიშალა. დაჭრილი მამაკაცი შემთხვევის ადგილზე გარდაიცვალა.

სამართალდამცველებმა, ჩატარებული ოპერატიულ-სამძებრო და საგამოძიებო მოქმედებების შედეგად, რ.ა. ბრალდებულის სახით დააკავეს. პოლიციის მიერ შემთხვევის ადგილიდან ნივთმტკიცების სახით ამოღებულია დანაშაულის ჩადენის იარაღი - დანა, ხოლო დაკავებულის პირადი ჩხრეკისას კი ამოღებულია „ნაგანის“ ტიპის ცეცხლსასროლი იარაღი.

ოჯახის წევრის მიმართ დამამძიმებელ გარემოებაში ჩადენილ განზრახ მკვლელობისა და ცეცხლსასროლი იარაღის მართლსაწინააღმდეგო შექმნა-შენახვა-ტარების ფაქტზე გამოძიება საქართველოს სსკ-ის 11 პრიმა-109-ე მუხლის მე-2 ნაწილის „ვ“ ქვეპუნქტით და 236-ე მუხლის მე-3 და მე-4 ნაწილებით მიმდინარეობს.



სანიოლი შვედეთით და ესპანეთით იწყებს

საქართველოს ეროვნული ნაკრები მორიგ შესარჩევ ეტაპს იწყებს. მსოფლიოს 2022 წლის ჩემპიონატის საკვალიფიკაციოს უმძიმესი შეხვედრით გავსებით – 25 მარტს, შვედეთს ვსტუმრობთ და თუ იმას გავითვალისწინებთ, რომ ნაკრებში ზღაპრულ იბრაჰიმოვიჩი დაბრუნდა, დაგვეთანხმებით, ისედაც ძლიერ მეტოქეს, ეს დამატებით უპირატესობას აძლევს. სამი დღის შემდეგ, 28 მარტს, თბილისში, „დინამო არენაზე“, ესპანეთს ვმასპინძლობთ. ამ შეხვედრას, დაახლოებით, 16 ათასამდე გულშემამტკივარი დაესწრება და ტრიბუნებზე სამი-ოთხი ისეთი უცხოელიც იქნება, დედაქალაქში, ხვიჩა კვარაცხელიას ასპარეზობის სანახავად რომ ჩამოვა. „რუბინის“ ქართველი მარგალიტი უდიდესი ალბათობით, ზაფხულში რომელიმე ევროპულ გრანდში გადავა და სტუმრებიც სწორედ ევროგრანდების სკაუტები არიან. 31 მარტს კი, საბერძნეთთან გვაქვს გასვლითი მატჩი და ერთი შეხვედრით ისე ჩანს, ამ სამ შეხვედრაში, ქულის აღებაც კი სანატრელი იქნება.

ნაკრებში დებიუტი იქნება ახალ მწვრთნელს. ვილი სანიოლმა ზუსტად იცოდა, სად მოდიოდა და ისიც იცოდა, რომ სანყისი სამი შეხვედრა ურთულესი იქნებოდა. მან სანაკრებოდ 25 ფეხბურთელი გამოიძახა, ღმერთმა ქნას, ახალმა მწვრთნელმა გამართლოს და ერთკვირიან მონაკვეთში, ქართული ფეხბურთის ისტორიის ახალი ფურცელი დაწეროს. სხვათა შორის, გულშემამტკივართა გაცემა იმან გამოიწვია, რომ სანიოლმა ნაკრებში ვაკო გვილიას არ დაუძახა, თუმცა გასულ უქმეებზე, თორნიკე ოქრიაშვილმა ტრავმა მიიღო და ფრანგმა სპეციალისტმა, მის ნაცვლად, სწორედ გვილიას უხმო. რაც შეეხება ნაკრებში გამოძახებულ ფეხბურთელებს:

მეკარეები: გიორგი ლორია („ანორთოსისი“, კვიპროსი), გიორგი მამარდაშვილი („ლოკომოტივი“ თბილისი), ლაზარე კუბატაძე („დინამო“ ბათუმი);

მცველები: გურამ კაშია („ლოკომოტივი“ თბილისი), ოთარ კაკაბაძე („ტენერიფე“, ესპანეთი), დავით ხოჭოლავა („შახტარი“, უკრაინა), გია გრიგალავა („არსენალი“, ტულა, რუსეთი), ჯიმი ტაბიძე („უფა“, რუსეთი), ლაშა დვალა („ფერენცვაროში“, უნგრეთი), გურამ გიორბელიძე („ვოლფსბერგერი“, ავსტრია), გრიგოლ ჩაბრაძე („დინამო“ ბათუმი);



ნახევარმცველები: ჯაბა კანკავა („ვალენსიენი“, საფრანგეთი), ნიკა კვეცივესკირი („ლეხი“, პოლონეთი), გიორგი აბურჯანია („კარტახენა“, ესპანეთი), საბა ლობჯანიძე („ანკარაგუჯუ“, თურქეთი), ჯაბა ჯილაური („დინამო“ ბათუმი), ლაშა პარუნაშვილი („ესპიერგი“, დანია), ოთარ კიტეიშვილი („შტურმი“, ავსტრია), ხვიჩა კვარაცხელია („რუბინი“, რუსეთი), ვაკო გვილია („ლეგია“, პოლონეთი), ლევან შენგელია („კონიასპორი“, თურქეთი);

თავდამსხმელები: გიორგი ქვილითაია („ანორთოსისი“, კვიპროსი), გიორგი მიქაუტაძე („სერენი“, ბელგია), ბუღუ ზივზივაძე („ფეჰერვარი“, უნგრეთი), გიორგი ბერიძე („უიპეტი“, უნგრეთი).



ქეცბაია „ანორთოსისს“ დაემშვიდობა

კვიპროსის ჩემპიონატის დასრულებამდე რამდენიმე ტურია დარჩენილი, მაგრამ უკვე გაირკვა, რომ სეზონის ბოლოს, „ანორთოსისს“ ქართველი მწვრთნელი, თემურ ქეცბაია თანამდებობას დატოვებს. ამის შესახებ მან ჟურნალისტებთან შეხვედრისას განაცხადა და აღნიშნა, რომ განაწყვეტილება მიღებულია და ეს ორივე მხარის სურვილი გახლავთ.

როგორც უცხოური მედია წერს, ქეცბაიას გადაწყვეტილებაზე გავლენა, დიდწილად, ბერძნული „პაოკ“-ის სურვილი იქონია. საბერძნეთის ერთ-ერთ საუკეთესო კლუბს, მთავარ მწვრთნელად სწორედ თემური სურს და კვიპროსიდან აბარგებული ქეცბაია, ბინას საბერძნეთში დაიდებს. შეგახსენებთ, რომ „ანორთოსისში“ ქართველმა სპეციალისტმა გიორგი ლორია, ბუბა დაუშვილი, თორნიკე ოქრიაშვილი და გიორგი ქვილითაია მიიყვანა. ოთხივე მათგანი, დღემდე, გუნდის გამორჩეული ფეხბურთელია.

რუსეთის ჩაბვრა ბრძელდება



საქართველოს მორაგბეთა ეროვნულმა ნაკრებმა რუსეთი კვლავ დაამარცხა – ამჯერად, კალინინგრადში. მატჩამდე, ქართველ გულშემამტკივარს ერთგვარი შიში ჰქონდა, რადგან ჩვენი გუნდი დამაჯერებლად ვერ გამოიყურებოდა და ესპანეთთან შეხვედრამაც აჩვენა, რომ ბევრი პრობლემა იყო. რუსები კი საქართველოსთან მატჩისთვის განსაკუთრებულად ემზადებოდნენ, თუმცა საბედნიეროდ, ყველაფერი კარგად დასრულდა. „ბორჯღალოსნებმა“

წელს საუკეთესო შეხვედრა ჩაატარეს და მატჩი პრემიალური ქულით – 23:6 მოიგეს.

„მეტოქე ჩვენზე ოდნავ ძლიერი იყო. მიუხედავად იმისა, რომ ჩვენ გუნდი ახლა ნამდვილად უკეთესია, ვიდრე ადრე, ქართველებმა ამჯერად დაცვაში ძალიან კარგად მოახერხეს თამაში. მეტოქეზე ზენოლის შენარჩუნება გაგვიჭირდა, რომ ლელო დაგვედო. დღევანდელი წარუმატებლობის ერთ-ერთი საკვანძო მომენტი, ბურთის თამაშში შეყვანა იყო. მნიშვნელოვანი გავლენა იქონია ვიქტორ გრესევის გამოკლებაზე. საქართველოს წინააღმდეგ თამაში, როგორც წესი, ძალიან მჭიდრო და ხისტია. ქართველები თავის გეგმას მიჰყვებიან, მათ კარგად გამოსდით დარტყმითი ტაქტიკით მუშაობა. ზოგჯერ თავდაცვა კარგად გამოგვიდოდა, მაგრამ, სამწუხაროდ, მთლიანობაში ეს ვერ მოვახერხეთ. ჩვენ უფრო თანაბარ თამაშს მოველოდით, მაგრამ არ გამოგვივიდა. ქართველები კერპეტი კაკლები არიან, მათ ადეკვატური წინააღმდეგობა უნდა გაუწიონ. ჩვენ განვითარება უნდა განვაგრძოთ და გამარჯვებაც მოვა. ყველასათვის ნათელია, რომ საქართველო, ყოველგვარი კითხვის ნიშნების გარეშე, მსოფლიოს თასზე გავა“, – ნამატჩევს, ეს განაცხადება რუსთა თავკაცმა, ლინ ჯონსმა გააკეთა.

დოლიძე პირველად დამარცხდა



UFC-ს ქართველმა მებრძოლმა, რომან დოლიძემ პროფესიულ რინგზე მესამე შეხვედრა გამართა და პირველი მარცხი განიცადა. მისი მეტოქე, ამერიკელი ტრევენ ჯაილსი იყო და შეხვედრის შემდეგ, მან აღიარა, რომ მსაჯების გადაწყვეტილება საპირისპირო რომ ყოფილიყო, არ გაუკვირდებოდა. თანაბარ ორთაბრძოლაში,

არბიტრებმა გამარჯვება ქულებით, სწორედ ამერიკელს მიანიჭეს.

„მნიშვნელოვანია, მსაჯები რას აქცევენ ყურადღებას, თუ მხედველობაში ზიანის მიყენება აქვთ, ვფიქრობ, მე გავიმარჯვე, თუმცა თუ კონტროლს ვგულისხმობთ, ამ კუთხით, მეტოქემ უკეთ იმოქმედა და გამარჯვება მას ეკუთვნოდა“, – განაცხადა ჯაილსმა.

მესიმ მორიბი რეკორდი დაამხო

ლიონელ მესი „ბარსელონაში“ 2005 წლიდან ასპარეზობს და ამ დროის განმავლობაში, მოიგო ყველაფერი, რისი მოგებაც კი საკლებო დონეზე შეიძლებოდა. გარდა ამისა, თამაშებისა თუ გოლების მხრივ, არგენტინელი კლუბის ისტორიას წერს და საუკეთესოთა შორის, საუკეთესო ხდება.

ამჯერად, მესიმ კლუბში შეხვედრების ოდენობით, ხავი ერნანდესს გადაასწრო. ხავის „ბარსას“ რიგებში 767 მატჩი ჰქონდა გამართული, მესიმ კი გასულ უქმეებზე 768-ე შეხვედრა ჩაატარა. იმასაც გეტყვით, რომ 768 შეხვედრიდან, არგენტინელმა 537 გამარჯვება იხეიმა, 91-ჯერ დამარცხდა და 140 ფრეს დასჯერდა, 663 გოლი გაიტანა და 291 შედეგიანი გადაცემა მიითვალა.

საქართველოს სპორტისა და ახალგაზრდობის საქმეთა ყოფილი მინისტრი, ტარიელ ხეჩიკაშვილი საფეხბურთო კლუბ „საბურთალოს“ ერთ-ერთი მენილეს და დამაარსებელიცაა. ერთ-ერთ მენილეს პირობითად ვამბობთ, თორემ რეალურად, ყველამ იცის, გუნდს, სწორედ ხეჩიკაშვილი აფინანსებს და მისი დამსახურებაა, კლუბის საფეხბურთო აკადემია, არა მარტო საქართველოში, არამედ, ამიერკავკასიაში ერთ-ერთი წარმატებული რომ არის. 1999 წელს დაარსებულმა საფეხბურთო სკოლამ, საბოლოო ჯამში, ყველა ასაკობრივ ჯგუფში შექმნა გუნდი, უმაღლეს ლიგაშიც ასპარეზობს და თან როგორ – გუნდმა ბოლო სამ წელიწადში, საქართველოში მოიგო ყველაფერი, რისი მოგებაც შეიძლებოდა – ჩემპიონობა, თასი, სუპერთასი.

15 მარტს კი, ბატონი ტარიელი ტელევიზიით გამოვიდა და განაცხადა, რომ ფეხბურთიდან მიდის და დაფინანსებას აღარ აპირებს. არადა, რეალურად, ქართულ ფეხბურთზე შეყვარებული ბიზნესმენები ძალიან ცოტაა და ამის ბრალიცაა, ქართულ ფეხბურთს არაფერი რომ არ ეშველა. აი, რა თქვა ბატონმა ტარიელმა:

„ძალიან მიჭირს იმის თქმა, რაც ახლა უნდა ვთქვა, რადგან ქართულ ფეხბურთს წლები უანგაროდ ვემსახურებოდით, მაგრამ ბევრი პრობლემა დაგროვდა და ვცდილობდით, ხმა ყველასთვის მიგვეწვინა. ამ ნაბიჯამდე, აბსოლუტურმა იგნორმა და არაკომპეტენტურობამ მიმიყვანა. თანამშრომლობის ნაცვლად, ურთიერთპატივისცემის, ინვესტიციისა და გუნდის, მწვრთნელის, ფეხბურთელების შრომის დაფასების პრობლემაა. ამ პრობლემებში გადავწყვიტე, პროფესიულ ფეხბურთში ინვესტიციები დროებით შევწყვიტო. ეს არ ნიშნავს, რომ „საბურთალო“ აღარ იარსებებს – იქ კიდევ არიან პარტნიორები, კომპეტენტური ხალხი. მეც ვერ შევძლებ, ფეხბურთის გარეშე ვიყო. სხვადასხვა ფორმატში, ჩემი კავშირებითა და სახსრებით სპორტის განვითარებას დავეხმარები, ასევე, საფეხბურთო აკადემიას, რომ ნიჭიერი ახალგაზრდები სწორ გზაზე დადგენ. მე კონკრეტულ გვარებს არ დავასახელებ, რადგან, სამწუხაროდ, ეს სისტემური პრობლემაა. მინდა, ჩემი თანადგომა გამოვხატო დღეს ფეხბურთში მყოფი ინვესტიციების მიმართ და ჩემი სურვილი იქნება, მათ მეტი გულისხმიერებით მოექცნენ. ქართული ფეხბურთი მათ მხრებზე დგას. მზად ვარ, ნებისმიერ ფორმატში, პრობლემებზე ვისაუბროთ. სამწუხაროდ, უპატივცემულობა მივიღეთ ყველა დონეზე. იმედია, ქართულ ფეხბურთში, გულდაწყვეტილი ინვესტიორების რიცხვი აღარ გაიზარდება“.

ახლა, რიგითობით მივყევთ. ხეჩიკაშვილის განცხადებას რამდენიმე მიზეზი აქვს. პირველი ის, რომ ქართული ფეხბურთის განვითარების პროგრამა დასრულდა. ოთხი წლის განმავლობაში, თუ საფეხბურთო კლუბი მოიზიდავდა ინვესტორს და ჩაადებინებდა თანხას, ფეხბურთის განვითარების ფონდი იგივე ოდენობას უმატებდა ანუ თუ ვინმე საფეხბურთო კლუბში ჩადებდა მილიონს, დამატებით მილიონს მიიღებდა. სწორედ ამ პერიოდს უკავშირდება „საბურთალოს“ ტიტულულებიც. ახლა ეს პროგრამა დასრულებულია და მხოლოდ „საბურთალო“ კი არა, ყველა კლუბი უმძიმეს დღეშია – ინვესტიორები, უბრალოდ, გავიდნენ და ფულს აღარ დებენ, რადგან ზუსტად იციან, ამ თანხებით შორს ვერ წავლენ. მეორე მიზეზი, რამაც ხეჩიკაშვილს ეს გადაწყვეტილება: 14 მარტს, დინამო-საბურთალოს შორის გამართულმა შეხვედრამ, ძალიან ბევრი კითხვის ნიშანი გააჩინა. გულშემატკივართა აზრით, მსაჯმა „საბურთალო“ აშკარად დაჩაგრა და „დინამომ“ სწორედ ამის ხარჯზე იმარჯვა ანგარიშით – 4:3.

„სტატუსების წერა არ მჩვევია, არაფერი, არასდროს არ დამინერია, მაგრამ გუშინ რაც ცირკი დადგეს და კონკრეტულად კიკაჩიშვილმა, არ შემეძლო, არ დამენერა არაფერი. ბოდიშს გიხდით წინასწარ, თუ რამე ზედმეტი მომივა. უბრალოდ, მინდა მივმართო და ამას აუცილებლად მედიასთანაც დავაფიქსირებ, ასეთ უსამართლობაში და არათანაბარ ბრძოლაში, მე

ახალი საფეხბურთო სკანდალი



ვისგან ითხოვს უსამართლობაზე პასუხს „საბურთალოს“ მთავარი მწვრთნელი ლევან კორღალიძე და რატომ წყვეტს კლუბის დაფინანსებას ექსმინისტრი, ტარიელ ხეჩიკაშვილი

აღარ ვაპირებ გაჩერებას. არასდროს სხვისთვის არ დამიბრალებია წაგება ან რამე იმედგაცრუება, მაგრამ უკვე დროა, ხმა ამოვიღოთ.

მე მიმაჩნდა, შარშან „ლოკომოტივიდან“ რომ წამოვედი, ის გადაწყვეტილება, რაც კლუბმა მიიღო, ჩემთვის უსამართლო იყო, მაგრამ მეყო კაცობა და დავტოვე კლუბი მიუხედავად იმისა, რომ დიდ პატივს ვცემდი და დღესაც ვცემ „ლოკომოტივის“ ხელმძღვანელობას, თუმცა ჩემი პრინციპი ყველაზე და ყველაფერზე მაღლა იდგება და დგას. ეს შემთხვევაა ახლაც, სადაც ჩემი პატიოსნება და პრინციპი შეილახა ვილაც არაკომპეტენტური ტიპის (მას ვერაფერს დავარქმევ) გამო.

მთელი ჩემი ცხოვრება ფეხბურთს დაუთმე, არც ოჯახი ვიცი და არც მეგობარი, იმდენად ჩართული ვარ საქმეში და არავის არ მივცემ იმის უფლებას, ასე უსამართლოდ მომექცეს. თურმე, პატიოსნად შრომა არ არის საკმარისი, რათა რამეს მიაღწიო ან „დინამოს“ რაში სჭირდება ასეთი ჩემპიონობა და მოგება. ნამდვილად აღარ ვაპირებ გაჩუმებას, ჩავყვები ბოლომდე, სანამ სამართალს არ მივიღებ. მე ვინც მიცნობს, მთელი ჩემი ცხოვრება სამართლიანად მიმყავს და ყალბი არასდროს, არაფერში ვყოფილვარ – არც საქმეში და არც მეგობრობაში. აღარც ახლა ვაპირებ, ვინმემ შელახოს ჩემი პატიოსნება, რომელიც გუშინ ნამდვილად შეილახა, ვილაცა მიკერძოებული ადამიანის გამო.

პასუხს ვითხოვ და ძალიან გთხოვთ, გამეცით იმ ადამიანებმა, ვისაც გეკუთვნით და ძალიან კარგად იცის, ვის ეკუთვნის. შარშან, „ბათუმის“ პრეზიდენტი, ბატონი აჩიკო ბერიძე აპირებდა ზუსტად ამ ადამიანის გამო ფეხბურთიდან წასვლას, რომელიც ამხელა ინვესტიციებს, შრომასა და ნერვებს დებს ამ საქმეში და მაინც ეს პატარა ბავშვი, მსაჯს ვგულისხმობ, ასე უტიფრად აგრძელებს თავის „მოღვაწეობას“. ზუსტად ეგ განცდა მაქვს ახლა, რომ უსამართლობის მსხვერპლი ვარ და ვართ, ამ შემთხვევაში, „საბურთალო“. ასე წინ

ვერ წავა ვერც ქართული ფეხბურთი და ვერც ინდივიდუალურად განვითარდებით, ვერც მწვრთნელები და ვერც ფეხბურთში მოღვაწე, ნებისმიერი ადამიანი.

ასე გაგრძელება აღარ შეიძლება, სირაქლემას პოზაში ყოფნას არ ვაპირებ! მაღლობა და ბოდიშს გიხდით, თუ ზედმეტად გულახდილი ვიყავი“, – ეს განცხადება ხეჩიკაშვილის გამოსვლამდე, „საბურთალოს“ მთავარმა მწვრთნელმა, ლევან კორღალიძემ გააკეთა ანუ მანაც დააფიქსირა, რომ ფარსში მონაწილეობა აღარ სურს და „ვილაცების“ გამო, კლუბები უსამართლოდ იჩაგრებიან.

სიმართლე გითხრათ, ცოტა ძნელი წარმოსადგენია „საბურთალოს“ დაჩაგვრა (თუმცა, „დინამოსთან“ მატჩში, კითხვები აშკარად იყო). ძნელი წარმოსადგენი კი იმიტომ, რომ კლუბის ერთ-ერთი მენილეს, ტარიელ ხეჩიკაშვილთან ერთად, კახა ჭუმბურიძეც გახლავთ. ბატონი კახა კი საქართველოს ფეხბურთის ფედერაციის პირველი ვიცე-პრეზიდენტიცაა. „საბურთალოს“ მენილეს ეროვნული ნაკრების ყოფილი კაპიტანი, გიორგი ნემსაძეც, რომელიც ამჟამად... თბილისის „დინამოს“ მთავარი მწვრთნელი გახლავთ. და ამ ყველაფრის მიუხედავად, „დინამოსთან“ შეხვედრამ იმდენი კითხვა გააჩინა, რომ წასვლას აპირებს კლუბის პრეზიდენტი, მთავარი მწვრთნელი...

ჩვენ ბატონი ტარიელის გარემოცვას შევეხმიანეთ და მათ დაგვიდასტურეს, რომ ხეჩიკაშვილი ძალიან გაბრაზებულია. მისი ეს განცხადება უფრო ემოციური ფონით იყო ნაკარნახევი, თუმცა მისი მეგობრები არ გამორიცხავენ, რომ ხეჩიკაშვილმა მთავარი გუნდის დაფინანსება მართლაც შეწყვიტოს, სამაგიეროდ, მთავარი აქცენტი აკადემიასა და ახალი ფეხბურთელების აღზრდაზე გააკეთოს. შესაბამისად, თუ წასვლაა, ხეჩიკაშვილი მთავარი კლუბიდან წავა და არა მთლიანად აკადემიიდან, რომელიც ვიმეორებთ, არა მარტო საქართველოში, არამედ, ამიერკავკასიაში ერთ-ერთი საუკეთესოა.

ოთარ ჭილაძე

აი, გავიდა ეს წელიწადიც...

აი, გავიდა ეს წელიწადიც და ამჟამადაც დავრჩი უცვლელი: კვლავ იმას ვიცავ, რასაც ვიცავდი, კვლავ თავგზას მიბნევეს სუფთა ფურცელი. თუმცა ასეა, ასეა ყველა, ვისაც ჯერ გული ხალისით უცემს. მე მომემატა დღეს ერთი წელი და ამდენივე მომაკლდა უცებ. გარეთ კი ხმელი ფოთოლი ცვივა და უფრო ადრე ბნელდება... (ბნელა). ასე მგონია, შენსავით ცივად, შენსავით მკაცრად მიმიღებს ყველა. გწყალობდეს ღმერთი, ვით დღემდე გწყალობს. ზედმეტს და უხამსს არაფერს გკადრებ. მე ახლა შენგან სიძულვილს ვსწავლობ, როგორც სიყვარულს ვსწავლობდი ადრე. ასეა, თუკი რაღაცას ელი, თუ იმ რაღაცას იმედით უცქერ... მე მომემატა დღეს ერთი წელი და იმდენივე მომაკლდა უცებ.

ალბათ, ყველაფერს მოედო ხავსი...


ალბათ, ყველაფერს მოედო ხავსი და ალბათ, უკვე ვეღარც იხარებს: ეზო, რომელიც ძილშილა გვახსოვს, სახლი, რომელიც გადავიყვარეთ. სამაგიეროდ... სამაგიეროდ, ქვეყნის ტალახი გვათოვს და გვანვიმს... შენ დაიფარე, ღმერთო, ძლიერო, საკუთარ ფესვებს მომწყდარი კაცი.

ამ სახლში ისევ უკრავენ შოპენს...

ამ სახლში ისევ უკრავენ შოპენს და მავთულები ნაცრისფერ ცაში იჭიმებიან და თითქოს გრძნობენ რაღაცას, დღემდე უცნობს და საშიშს, სახლში ცხოვრობენ, შრომობენ, უყვართ და ნებდებიან საყვარელ ხელებს და ახარჯავენ ერთმანეთს უხვად მას, რაც ისედაც გაქრება მერე. და სურვილებიც ჩნდებიან ისევ და ძველ სურვილებს აგლეჯენ ღვედებს, და აღარ თვლიან სიცოცხლის ღირსად და სულის მაღალ კედლებთან ხვრეტენ. მაგრამ ზამთარში ღამდება ადრე და ღამე შუბლით აწვება კარებს, გარეთ კი ამტვრევს პროტესტის ჭადრებს იანვრის ქარი... და ცივა გარეთ. და მავთულებიც რაღაცას გრძნობენ, რაღაცას, დღემდე უცნობს და საშიშს, და ნუგეშით უსმენენ შოპენს, დაჭიმულები ნაცრისფერ ცაში.

აღსასრულისკენ სამყარო მიქრის...

აღსასრულისკენ სამყარო მიქრის, ვით პატრონმკვდარი ველზე ქურანი... ღმერთო, მასწავლე მოთოკვა ფიქრის, ანდა წამართვი ფიქრის უნარი. ფიქრისგან ფიქრი ჩნდება, ჭავლივით. არ წყდება მტანჯველ ფიქრთა ნაკადი,



20 მარტს, გენიალური ქართველი პოეტის, ოთარ ჭილაძის დაბადების დღე იყო – მას 88 წელი შეუსრულდებოდა.

თითქოს ათასჯერ უკვე ჩავლილი და ვერჩავლილი მაინც აქამდის. გზა კი იგივე რჩება მიზნამდე და ახლა გულშიც ვერ მითქვამს შიშით: ფიქრი მანრობდა ცხოვრებისათვის, თუ დავემალე ცხოვრებას ფიქრში...

ბავშვობა ერთი ბოლოა თოკის...

ბავშვობა ერთი ბოლოა თოკის და თვითონ უნდა მიაბა იგი მიწას, რომელზეც გინდა რომ მოკვდე, როდესაც მოვა სიკვდილის რიგი. საქმე ისაა, როგორ მიაბამ, როგორ გამოთვლი გასაველელ მანძილს, რომ არ შეფასდეს მერე იაფად შენივე ხელით შეკრული კვანძი. როგორ მივაბი, არ მახსოვს კარგად, მაგრამ ის თოკი გრძელდება დღემდე და ჯერ არაფრის იმედს არ ვკარგავ, ამდენი ქარის და წვიმის შემდეგ. ამდენი ქარის და წვიმის შემდეგ, თავისით გაქრა ბევრი სურვილი, ბევრჯერ შევასკდი გულსა და კედლებს, უმისამართოდ ნასროლ ჭურვივით. სამაგიეროდ, მეც განმიცდია, რასაც განიცდის ყველა მოკვდავი, როცა შემოდს სულში მინდია - ყველაფრის მცოდნე და საცოდავი. და ვიცი, რატომ უნდა მიყვარდეს ჩემი მტანჯველი და ძნელი გზები, რომლებიც ალბათ იქ მიმიყვანენ, სადაც ჩემამდე მისულან სხვებიც. მაგრამ თუ მეყო დროც და მანძილიც და მოვუნახე სულს სასთუმალი - მოვკვდები, როგორც ქვეყნის ნაწილი და არა - ნუთისოფლის სტუმარი.

ბანშორეაბოდე

დრომ გაიარა, ვით შავმა კატამ ბნელ დერეფანში (უხმოდა და უცებ). და ზამთრის სახე, მკაცრი და სადა, მოშორდა ფანჯრებს. მაგრამ ამ ფურცელს მარადიული შეკრავს ყინული, ხოლო ყინულზე აირეკლება ჩვენგან ცხადში თუ სიზმრად ხილული, რომ გახსენების მწარე ეკლებმა გამოაფხიზლონ სულის თვალები - გაოგნებულნი ერთფეროვნებით და ხელოვნური მზის ბრწყინვალეობით და ნაქურდალი ცით და ცხოვრებით. ბრწყინავს ლოლუა, ვით ზამთრის კბილი ამონასუნთქი კაცის და მილის, ახლახან დაკლულ მხეცივით თბილი, ფართხალებს ქარში. და აი, თითქოს ასი წლის მერე, უკვე გადაღლილ ხმებსა და ფერებს ვთხოვ, დამიბრუნონ ყველა უფლება, რომ დავინყების შავმა ღრუბლებმა არ გადაგვთვალონ... მომეცი ხელი, ჩვეულებრივად სუსტი და ცხელი, ჩვეულებრივად ცხელი და მკაცრი მომეცი გული! და სანამ გვაცლის ღმერთი თუ ბედი, გვჯეროდეს ისევ, რომ ჩვენს საფიქრალს ქვეყანა ისმენს, ჩვენი თავები მკერდზე უწყვია და ცდილობს, მაგრამ არ შეუძლია, რომ გარდაიქმნას...

წყარო: litklubi.ge

უხილავი მტერი, რომელიც ბავშვის ორგანიზმს აზიანებს

პედიატრი ივანე ჩხაიძე, ბავშვების ტყვიით მონამვლის საფრთხეზე საუბრობს და აცხადებს, რომ თანამედროვე სამყაროში, უხილავი მტერი, სწორედ ტყვიაა, რომელიც ბავშვის ორგანიზმს უდიდეს ზიანს აყენებს:

„უხილავი მტერი, სწორედ ტყვიაა, რომელსაც ვერაფერს ხედავს, არავინ იცის, სად არის. ეს არის მტერი, რომელიც წლების განმავლობაში, მეთოდურად აზიანებს ბავშვის ორგანიზმს. პედიატრებისთვის ყველაზე მნიშვნელოვანია მისი ზემოქმედება თავის ტვინზე. ის მოქმედებს თავის ტვინზე, რითაც აფერხებს ბავშვის განვითარებას. ის ზემოქმედებს სისხლზე და იწვევს ანემიას. ბავშვი გვიან იწყებს წინადადებებით საუბარს, არ შეუძლია ბაღში ან სკოლაში ლექსის დასწავლა, სკოლაში პრობლემები აქვს მათემატიკასა და ლიტერატურაში. ნიშნები შესამჩნევი ხდება მოგვიანებით, როდესაც ტყვიის ზემოქმედება თვეებისა და წლების განმავლობაში გრძელდება“.

ივანე ჩხაიძის თქმით, ბავშვის ორგანიზმში ტყვიის ჭარბი შემცველობა, ორიდან შვიდ წლამდე ასაკში უნდა დადგინდეს, რადგან შემდეგ, ბავშვს ვერაფრით დავეხმარებით:

„ითვლება, რომ ტყვია ადამიანის ორგანიზმში საერთოდ არ უნდა იყოს, ნული უნდა იყოს მისი შემცვე-



„ტყვია ზემოქმედებს სისხლზე, იწვევს ანემიას, ბავშვი გვიან იწყებს წინადადებებით საუბარს“, – პედიატრის პრაქტიკული რჩევები



უნდა იყოს აღნიშნული. გოგონებისთვის ერთ-ერთი დიდი რისკი, პარფიუმერული პროდუქტები და ბიუტიკერიაა, რომელსაც ყოველგვარი გარანტიის გარეშე, ქუჩაში ყიდულობთ.

გოგონებს ძალიან უყვართ გაპრანჭვა, განსაკუთრებით, ტუჩსაცხები. ეს ყველაფერი, ტყვიას შეიცავს და ამ გზითაც შეიძლება, რომ ბავშვის ორგანიზმში მოხვდეს.

ჩვენ გვაქვს სირაქლემას პოზიცია მეტყველება-სთან დაკავშირებით. ძალიან ბევრი დედა ამბობს: „მე ხუთი წლისამ დავინყე ლაპარაკი, მამამისი ხუთი წლის ასაკში ალაპარაკდა“. ეს ძალიან ცუდია და რეალურად, ხელშემშლელია. როდესაც თქვენ ელოდებით, როდის დაიწყებს ლაპარაკს წლინახევრის ბავშვი, რომელიც ერთ სიტყვასაც ვერ ამბობს და თან იმასაც ამბობთ, რომ მამამისიც ასე იყო და ამ არგუმენტით, სამ წლამდე, ბავშვი ექიმთან არ მიგყავთ, შეცდომას უშვებთ“, – აცხადებს ივანე ჩხაიძე.

momsedu.ge

ლობა. ამერიკის პედიატრთა ასოციაციის მიხედვით, ხუთამდე ტყვიის შემცველობა მისაღები მაჩვენებელია. ხუთის ზემოთ უკვე იწყება შემოწმება.

რაც უფრო მაღალია მაჩვენებელი, მით მეტ პრობლემას გვიქმნის ბავშვის ორგანიზმში. ჩვენ გამოყოფილი გვაქვს ორიდან შვიდ წლამდე ასაკი, როდესაც შეგიძლიათ ნახოთ, შემდეგ უკვე დაგვიანებულია. შეიძლება წლის შემდეგ, თქვენ ბავშვს ვერაფერს უშველით. ბავშვი გონებრივი განვითარების მხრივ ჩამორჩება, შემდეგ კი ეს პროცესი შეუქცევადი გახდება“.

ივანე ჩხაიძე აღნიშნავს, რომ ბავშვებისთვის ძალიან დიდი საფრთხეა უხარისხო სათამაშოებით თამაში, ბიუტიკერიისა და კოსმეტიკის გამოყენება:

„ბავშვებში ძალიან გვეშინია სათამაშოების. შედეგები, უხარისხო სათამაშოების პირში ჩადება გარკვეული ასაკის ბავშვებისთვისაა დამახასიათებელი. თქვენ ამას ვერ ამჩნევთ, გიხარიათ, რომ ბავშვი თამაშობს, მაგრამ სათამაშო თუ დაფარულია უხარისხო საღებავით, ჩათვალეთ, რომ დღეების განმავლობაში, ბავშვი ჭამს ტყვიას. ყველა პროდუქტზე, რომელიც იღებება, ტყვიის შემცველობა



ქიმიოთერაპიის მავნე გავლენისგან ყურძენი დაბრუნავთ



ყურძენს, უფრო სწორად, მის ნიჰნებს შეუძლია, მნიშვნელოვნად გაზარდოს ქიმიოთერაპიის ეფექტურობა ნაწლავების კიბოს დროს და ამავდროულად, ამ პროცედურის გვერდითი მოვლენებიც შეამციროს, – აცხადებენ სწავლულები. „საიდუმლო“ ამ ხილის ნიჰნებში არსებულ ანტიოქსიდანტებშია – მთრიმლავ ნივთიერებებსა და პოლიფენოლებში. მათ ანთებისა და კიბოს წინააღმდეგ, საკმაოდ ძლიერი თვისებები აქვთ. მეცნიერების განცხადებით, ნიჰნებისგან მიღებული ექსტრაქტის მოხმარება, ორგანიზმში – ანთების ხარისხს, ხოლო ნაწლავებში – იქ არსებულ დაზიანებას აქვეითებს.

ქიმიოთერაპიის დროს, პრეპარატები დაზიანებულ და ჯანმრთელ უჯრედებზე ერთნაირად მოქმედებენ და შედეგად, ჯანმრთელი უჯრედებიც ზიანდება. შესაბამისად, ქიმიოთერაპიასთან ერთად, ამ ექსტრაქტის მიღება შესანიშნავად იმუშავებს. ჩატარებული ექსპერიმენტებისას, ანთებითი პროცესის დაქვეითება 55%-ს აღწევდა, კიბოს უჯრედების ზრდის შეფერხება – 26%-ის დონეზე იყო.

სპეციალისტების განცხადებით, ყურძნის ნიჰნების ექსტრაქტის გამოყენება შეიძლება არა მხოლოდ სიმსივნის ამ სახეობის შემთხვევაში, არამედ, ნაწლავების სხვა დაავადებების თერაპიის დროსაც. აღსანიშნავია, რომ მკვლევარებმა ექსპერიმენტებისას, ბაზარზე უკვე არსებული ექსტრაქტი გამოიყენეს.

დიაბეტი დაივიწყეთ!



ჰარვარდის უნივერსიტეტის სწავლულების ახალი ნამუშევრის წყალობით, უახლოეს პერიოდში, ადამიანებს აღარ ემახსოვრებათ, რა არის დიაბეტი. მეცნიერებმა შეძლეს გამოეყვანათ და გადანერგეს კუჭქვეშა კირკვლის უჯრედები, რომლებიც ნორმალურ რეჟიმში ფუნქციონირებენ. ეს უჯრედები გამოიმუშავებენ ინსულინს, მათი საფუძველი კი ემბრიონული ღეროვანი უჯრედები გახდა.

თუ ახალი უჯრედების უსაფრთხოება დამტკიცდება, მაშინ ტრანსპლანტაცია, პაციენტებს პირველი ტიპის დიაბეტის შემთხვევაში, ინსულინის ინექციებს ააშორებს. ამჟამად, მკვლევარებს კლინიკური ცდები არ დაუნწყიათ, ჯერჯერობით, ტესტირება ცხოველებზე მიმდინარეობს. სწავლულები აცხადებენ, რომ უჯრედები ინსულინს რამდენიმე თვის განმავლობაში გამოიმუშავებენ.

მარათონელებმა საპონი ჭამეს



ჩინეთში, მარათონის მონაწილეებმა საპონი ჭამეს, რადგან ის ენერგეტიკული „ბატონიკი“ ეგონათ. გარბენი გუანდუნის პროვინციაში შედგა. შეჯიბრების მონაწილეებმა სასაჩუქრე პაკეტები მიიღეს, რომელშიც იყო საპონი, ყურძნის არომატით. სპორტსმენებს ის ენერგეტიკული ბატონი ეგონათ, რადგან ეტიკეტზე მხოლოდ ინგლისურენოვანი წარწერა იყო და გემრიელად დაიწყეს ჭამა.

ლონისძიების ორგანიზატორები აცხადებენ, რომ საპონის შეფუთვა მართლაც ძალიან ჰგავდა საჭმელისას და ეს საკუთარ შეცდომად მიიჩნიეს. მარათონში 20 ათასზე მეტი ადამიანი მონაწილეობდა, მათგან სამედიცინო დახმარება 12 ათასზე მეტ მორბენალს დასჭირდა, ხოლო 23 მათგანი, რომლებიც კრიტიკულ მდგომარეობაში ჩავარდნენ, საავადმყოფოში გადაიყვანეს.

წიგნებს მყიდველების თვალწინ ბეჭდავენ



პარიზში წიგნების მაღაზია გაიხსნა, რომელიც გამომცემლობა Presses Universitaires de France-ს ეკუთვნის. აქ შესვლისას, წიგნებით სავსე თაროებს ნადვილად ვერ აღმოაჩინებ – მხოლოდ იმ გამომცემის ყიდვას შეძლებთ, რომელსაც მაღაზიაში, საკუთარი სურვილით დაბეჭდავთ. დაწესებულებაში წიგნების საბეჭდი მანქანა-რობოტი დგას, რომელიც ამერიკულმა კორპორაცია Xerox-მა შექმნა. მაღაზიაში შესული კლიენტების განკარგულებაშია პლანშეტები, რომელთა დახმარებითაც, 5-ათასიანი წიგნის ფონდიდან, სასურველს ამოარჩევენ, რობოტი კი, რამდენიმე წუთში დაბეჭდავს. ბეჭდვის ერთი სეანსი 850 გვერდს არ უნდა აღემატებოდეს. ამ გზით შეძენილი წიგნი, ამავე მაღაზიაში არსებულ, უკვე დაბეჭდილ გამომცემასთან შედარებით, სულ რაღაც 1 ევროცენტით იქნება ძვირი, რადგან საფრანგეთში, წიგნებზე ერთიანი ფასი მოქმედებს. ამ ახალი ტექნოლოგიების გამოყენებით, დაწესებულება საკმაოდ დიდ თანხას დაზოგავს.

რატომ დააჯარიმეს ცნობილი ფეხბურთელი?



გერმანული კლუბის, „ბავარიის“ ფეხბურთელი, კინგსლი კომანი, კორპორატიული ეთიკის დარღვევის გამო, 50 ათასი ევროთი დააჯარიმეს – 24 წლის ფრანგი, კლუბის ბაზაზე, „აუდის“ ბრენდის სამსახურებრივი მანქანით კი არა, საკუთარი „მერსედესით“ მივიდა. ტიტულოვან მოთამაშეს დაცვამ არ მისცა ნება, მანქანა მიწისქვეშა პარკინგზე დაეყენებინა.

ფეხბურთელს, კონტრაქტში ჩანერილი პუნქტების თანახმად, სოლიდური ჯარიმა გამოუწერეს. ცნობილია, რომ მიუნხენის „ბავარიის“ მოთამაშეებმა სამსახურებრივი მანქანებით უნდა იარონ, რომელსაც მათ სპონსორი – Audi და VW Group აწვდის. კონტრაქტის ეს პუნქტი პირად ცხოვრებაზე არ ვრცელდება, შეზღუდვა მხოლოდ ოფიციალურ ღონისძიებებს, საქმიან შეხვედრებსა და ვარჯიშებს ეხება.

პენსიონერი რეკორდსმენი გახდა



პენსიონერი გერმანიიდან, ვოლფგანგ კირში, გინესის რეკორდების წიგნში მოხვდა, როგორც 70 წელს გადაცილებული, ყველაზე ტატუირებული ადამიანი მსოფლიოში. მისი სხეულის 98% ნახატებითაა დაფარული, ტატუ მხოლოდ ტერფებზე არ აქვს. კირში, მეტსახელად „მაგნეტო“, 86 ტატუს, 17 პირსინგსა და სხვა იმპლანტებს ითვლის. გარდა ამისა, ასაკოვანმა მამაკაცმა თვალის ფერიც შეიცვალა – ეს განსაკუთრებით საშიში ოპერაციაა, რომელიც ადამიანს, შესაძლოა, მხედველობის დაკარგვაც კი დაუჯდეს. ტატუსა და სხეულის მოდიფიკაციაზე, კირში 25 ათასი ევრო დახარჯა. სხეულის ნახატებით დაფარვის აბსოლუტური რეკორდი 38 წლის ბრაზილიელს ეკუთვნის – მას 1000 ტატუ აქვს, რომელიც მისი სხეულის 99%-ს ფარავს.

Gucci-ის ფეხსაცმელი 12 დოლარად



იტალიურმა მოდის სახლმა Gucci-მ, პირველი ციფრული, სპორტული ფეხსაცმელი გამოუშვა. ბოტასების ყიდვა და მორგება მხოლოდ სპეციალურ აპლიკაციაშია შესაძლებელი. ციფრული ფეხსაცმელი ბელორუსულ კომპანია Wanna-თან თანამშრომლობის შედეგად შეიქმნა, რომელიც დამატებითი რეალობის გამოყენებით, აპლიკაციების შექმნითაა დაკავებული. ახალი ბოტასის შესაძენად, Gucci-ის ან Wanna Kicks-ის აპლიკაციაში შესვლა და სასურველი დიზაინის არჩევაა საჭირო. იტალიურ აპლიკაციაში, ეს ფეხსაცმელი 12 დოლარი ღირს, ბელორუსულ აპლიკაციაში – 9 დოლარად შეიძენთ. პროგრამების ალგორითმი, კადრში ფეხის ადგილმდებარეობას დაადგენს და შემდეგ, ციფრულ ფეხსაცმელს „დახატავს“.

მეხსიერება შამპანურით გაუმჯობესა



სწავლულებმა ნისლიანი ალბონიდან, მეხსიერების შენარჩუნების ყველაზე სასიამოვნო მეთოდს მიაკვლიეს. რედინგის უნივერსიტეტის მეცნიერთა კვლევებმა დაადასტურა, რომ მცირე რაოდენობით შამპანურის მიღება, ტვინის იმ უჯრედებს ააქტიურებს, რომლებიც ახალი ინფორმაციის მიღებასა და ძველის შენახვაზე არიან პასუხისმგებელი. აქედან გამომდინარე, თუ კვირში ერთხელ, ერთ ბოკალ შუშუნა ღვინოს მიირთმევთ, ცინცხალ გონებას შეინარჩუნებთ.

ადრე სწავლულებს მიაჩნდათ, რომ ასეთი დადებითი თვისება მხოლოდ წითელ ღვინოს ჰქონდა, რადგან ის, დიდი რაოდენობის ფლავანოიდებს შეიცავს. მართალია, შამპანური და სხვა ცქრიალა ღვინოები მსგავს ნივთიერებებს არ შეიცავენ, მაგრამ აღმოჩნდა, რომ მეხსიერებაზე მაინც საკმაოდ დადებით გავლენას ახდენენ. ამ გავლენას კი მკვლევარები სასმელში ფენოლებისა და სხვა სასარგებლო ნივთიერებების არსებობას უკავშირებენ.

რეზიუმე: მეხსიერება შამპანურით გაუმჯობესა. სწავლულებმა ნისლიანი ალბონიდან, მეხსიერების შენარჩუნების ყველაზე სასიამოვნო მეთოდს მიაკვლიეს.

სიმსუქნის ქრონიკული ანთება იწვევს

იაპონელმა სწავლულებმა ტოკუსიმას უნივერსიტეტიდან, აღმოაჩინეს, რომ მკვდარი ცხიმოვანი უჯრედებიდან, დნმ-ს სიმსუქნის გამოწვევა შეუძლია. მკვლევარებმა ცდები ლაბორატორიულ თაგვებზე ჩაატარეს და აჩვენეს, რომ ქსოვილების ქრონიკული ანთება ზედმეტი კილოგრამების გაჩენას იწვევს. მეცნიერები ვარაუდობენ, რომ შესაძლოა, ამ შემთხვევაში, „დამნაშავეა“ ცილა TLR9, რომელიც თანდაყოლილი იმუნიტეტის ფუნქციონირებას უზრუნველყოფს.

სიმსუქნე ანტიბიოტიკების პროცესების მანიშნებელია, რომელიც ისეთ დაავადებას იწვევს, როგორცაა მდგრადობა ინსულინის მიმართ. ასეთი პროცესების მექანიზმები, დიდწილად, ჯერ ისევ გაურკვეველია, თუმცა ახალ კვლევაში, სწავლულებმა აჩვენეს, რომ დნმ-ის გამოყოფას ცხიმოვანი უჯრედებიდან – ადიპოციტებიდან, ანთების გამოწვევა შეუძლია.



პირბადიდან ყვავილები ამოდის



გასოცარი იდეა შემოგვთავაზა და მისი რეალიზება უკვე მოახერხა კიდევ დიზაინერმა ნიდერლანდებიდან, მარიანა დო გროოტმა. მან ბიოხრნადი დამცავი პირბადე შექმნა, საიდანაც შემდგომში, ყვავილები ამოვა.

ნილაბი, ყვავილების თესლებისთვის, ერთგვარი კონტინერია. ქსოვილი ბრინჯის ფქვილის, წყლისა და ნატურალური სახამებლისგან დამზადდა, ხოლო მის ფენებს შორის, დიზაინერმა მცენარეების თესვები მოათავსა.

„როდესაც პირბადე უკვე გამოუსადგარი გახდება, შეგიძლიათ, ის დაასველოთ და მინაში ჩაფლათ. ცოტა ხანში, მისგან ყვავილები აღმოცენდება“, – ამბობს მარიანა. ამის გაკეთება ყველას შეუძლია, სოფლად – ბაღში თუ ქალაქში – აივანზე, ან ოთახში.

თუმცა უნდა აღინიშნოს, რომ მედიკოსები დარწმუნებულები არ არიან, რამდენად ვარგისია ეს პირბადე კორონავირუსისგან დასაცავად. სპეციალისტები გვაფრთხილებენ, რომ ბრინჯის ფურცელი, როგორც ინდივიდუალური დაცვის საშუალება, ჯერ არავის დაუტესტავს.

იდეალური სელფის კურსები შექმნეს



სუსტი სქესის ვიეტნამელი წარმომადგენლები, რომლებიც სოციალური ქსელებით სარგებლობენ, იდეალური სელფის გადასაღებად, სპეციალურ კურსებს გადიან – სწავლობენ, როგორ გაიღიონ, სად წაიღონ ხელები, საით გაიხედონ და სხვა. აღსანიშნავია, რომ ქვეყნის მოსახლეობის 70%, 35 წელზე ახალგაზრდაა და სელფის კურსებიც, ძირითადად, ახალგაზრდა ვიეტნამელებს იზიდავს.

კურსების წამყვანია, პემ კიუ ლი, რომელსაც სოციალურ ქსელში ათასობით გამომწერი ჰყავს. მათი უმრავლესობა კიუ ლის სთხოვდა, ესწავლებინა, როგორ გადაეღო ლამაზი სელფი. ლის კურსებზე სწავლა 130 დოლარი ღირს და ის, სულ რაღაც, დღენახევარი გრძელდება. სტუდენტები თითქმის ყველა პროფესიის წარმომადგენლები არიან – ბროკერებიდან დაწყებული, ინტერნეტ-მაღაზიების თანამშრომლებით დამთავრებული. ისინი დარწმუნებულნი არიან, რომ საუკეთესო სელფით, საკუთარ პროდუქციას უკეთ გაყიდიან Facebook-ზე, რომელსაც ქვეყანაში 35 მილიონი მომხმარებელი ჰყავს.

ენდოსკოპიას კამერა-აბი ჩაანაცვლებს



ბრიტანელმა სპეციალისტებმა შექმნეს კაფსულის ზომის კამერა, რომელიც მომავალში, სრულად ჩაანაცვლებს ერთ-ერთ ყველაზე უსიამოვნო გამოკვლევას – ენდოსკოპიას. ცნობილია, რომ ეს პროცედურა გულისხმობს კუჭ-ნაწლავის კვლევას, რომლის დროსაც, ორგანიზმში, პირის ღრუდან კამერა შეჰყავთ, რაც ძალიან უსიამოვნო პროცედურაა. ინოვაციური კამერა კი წამლის კაფსულის ზომისაა და მისი ჩაყლაპვა დიდ სირთულეს არ წარმოადგენს.

ინოვაციური კამერა მსხვილი ნაწლავის კიბოსთან საბრძოლველად შეიქმნა, თუმცა მას, კუნ-ნაწლავის ტრაქტის სხვა დაავადებების აღმოჩენაც შეუძლია. ორგანიზმში მოხვედრის შემდეგ, კამერა ფოტოებს იღებს, რაც მედიკოსებს საშუალებას აძლევს, დააკვირდნენ შესაძლო პათოლოგიურ პროცესებს. კაფსულის ჩაყლაპვიდან 5 საათში, ექიმებს პაციენტის კუჭ-ნაწლავის 400 ათასამდე ფოტოს ნახვა შეუძლიათ.

ექსპერიმენტისთვის, ეს ინოვაციური აბი-კამერა, ბრიტანეთში, 11 ათას პაციენტს გადაუგზავნეს. თუ ახალი ტექნოლოგია გაამართლებს, ეს სრულიად ახალი სიტყვა იქნება მედიცინაში. კაფსულა-კამერა ჩაანაცვლებს ენდოსკოპიას, კოლონოსკოპიას, რენტგენოგრაფიას და კუჭ-ნაწლავის დაავადებების სხვა სადიაგნოსტიკო საშუალებებს.

საკვებს ჰაერიდან იღებენ



ჰაერიდან მიღებული შინიცილი, ფინელი სწავლულების დამსახურებაა. სტარტაპ Solar Foods-ის მონაწილეების გამოგონებაში, საკვების მთავარი ინგრედიენტი ყვითელი ფქვილია, რომელიც 65%-ით, ცილა Solein-ს შეიცავს. ფქვილი სპეციალურ ბიორეაქტორში მიიღეს, რომელშიც თხევად მიკროორგანიზმებს აქუცმაცებენ: ფერმენტერში ამატებენ წყალბადისა და ნახშირმჟავა აირის ნაერთს, რის შემდეგაც, საკვები ნივთიერებები გამოიყოფა. მას აშრობენ და ფქვილად აქცევენ.

სპეციალისტები დარწმუნებულები არიან, რომ მომავალში, ამ ტექნოლოგიით მიღებული პროდუქტებით, პლანეტის ყველა მცხოვრების უზრუნველყოფას შეძლებენ. ამასთან, მისი წარმოება ეკოლოგიურად არის, რადგან ცილა Solein-ის წარმოებისთვის, „მწვანე ამიაკს“ იყენებენ. როგორც ენერჯის წყარო, ის 9-ჯერ მძლავრია ლითიუმ-იონურ ბატარეებზე და მისი გამოყენებისას, ნახშირბადი საერთოდ არ გამოიყოფა.

სანოლი ძილს არ დაგაცდით



ინგლისელმა ენთუზიასტმა გამომგონებელმა, კოლინ ფარზმა კიდევ ერთხელ გააოცა მსოფლიო თავისი ახალი ქმნილებით – მას შეგვიძლია, ერთდროულად, ბრწყინვალეც და გიჟურიც ვუნოდოთ. ეს გამომგონება სანოლია, რომელიც ადგომისას, ვერ „მოითმენს“ ვერავითარ „ცოტა ხანს“, ან „კიდევ ხუთ წუთს“ და პატრონს ძირს ჩამოაგდებს. ასეთი სანოლი შეუცვლელია მათთვის, რომლებსაც დილაობით, ვერანაირი მალვიძარა ვერ აღვიძებთ.

სანოლი უბრალოდ, იატაკზე დააგდებს ძილისგუდას, ყოველგვარი ცერემონიების გარეშე და კვლავ დანოლის საშუალებას არ მისცემს, თანაც მას, რამდენიმე რეჟიმი აქვს. მათ შორის, ყველაზე „რბილია“, როდესაც ძილისგუდა ადამიანი, უბრალოდ, სანოლიდან იატაკზე ჩამოსრიალდება. ყველაზე „მკაცრი“ რეჟიმი, როდესაც ძილის შებრუნების მსურველს, სანოლი პირდაპირ „გაისვრის“, ძლიერი ხმაურისა და ავტომობილის სირენის გუგუნის თანხლებით.

ესპანეთი ოთხდღიან სამუშაო კვირაზე გადადის



ესპანეთის მთავრობა საპილოტე პროექტს იწყებს – ქვეყანაში ოთხკვირიან სამუშაო დღეს იმ კომპანიებში დატესტავენ, რომლებიც ამით დაინტერესებულნი არიან. ინიციატივის ავტორია მემარცხენე პარტია Más País-ის წევრი. ამ ექსპერიმენტულ პროექტში, 200-მდე ორგანიზაცია ჩაერთვება. ცნობილია, რომ პროექტი სამ წელზეა გათვლილი, მისი ღირებულება კი 50 მილიონი ევროა.

პირველ წელს, ექსპერიმენტში მონაწილე კომპანიებს, 100%-ით აუნაზღაურდებათ სამუშაო საათების შემცირებით გამოწვეული ზარალი, მეორე წელს – 50%-ით, მესამე წელს კი – 33%-ით. ექსპერტების მოსაზრებით, ოთხდღიანი სამუშაო კვირა, დასაქმებულთა მენტალურ ჯანმრთელობას საგრძნობლად გააუმჯობესებს და სტრესსაც შეამცირებს. გარდა ამისა, შემცირებული სამუშაო დღეები ადამიანებს დაეხმარება, უფრო მოტივირებულები და პროდუქტიულები გახდნენ.

თინა ტერნერი „პენსიაზე გავიდა“



ლეგენდარული ამერიკელი მომღერალი, „როკ-ენ-როლის დედოფალი“, თინა ტერნერი „პენსიაზე გადადის“. მსოფლიოს ერთ-ერთი საუკეთესო მომღერალი, საკუთარ თავყვანისმცემლებს HBO-ს დოკუმენტური ფილმით დაემშვიდობა, რომელიც მის ცხოვრებაზე გვიამბობს. 81 წლის ვარსკვლავს დასვენება სურს იმ ზედმეტი ყურადღებისგან, რომელსაც მისი პერსონის მიმართ იჩენენ.

ტერნერი ამბობს, რომ უნდა, დარჩენილი ცხოვრება მაყურებლებისა და კამერებისგან შორს გაატაროს. ფილმში მომღერალი აღიარებს, რომ ოჯახური ძალადობის მსხვერპლი იყო პირველ ქმართან, აიკ ტერნერთან, რის გამოც, მას მწვავე პოსტტრავმული აშლილობა განუვითარდა. ბოლო წლებში, „გრემის“ რვა პრემიის მფლობელის ჯანმრთელობა სერიოზულად გართულდა. 2013 წელს, თინას ინსულტის დიაგნოზი დაუსვეს, 2016-ში კი – ნანღავის კიბო დაუდგინდა. თუმცა მომღერალმა ონკოლოგიური დაავადების სამკურნალოდ, თავდაპირველად, ჰომეოპათებს მიმართა. ამის გამო, ჯანმრთელობის მდგომარეობა დაუმძიმდა, საქმე თირკმელის უკმარისობამდე მივიდა და 2017 წელს, ტერნერს თირკმელი გადაუნერგეს.

ვერსია

მისამართი: ქ.თბილისი, სანკტ-პეტერბურგის ქ. 7.

UDC(საკ)070.48:32(479.22)3-387

დაფუძნებულია და მთავარი რედაქტორი
მაია ფურცელაძე (599) 62-88-77

ღიზანძვრი – გიორგი ლომსაძე

e-mail: versiaprinti@yahoo.com www.versia.ge

ტელ: +995 32 294 23 99

ISSN 1987-8699

9 771987 186903

დაცულია საავტორო უფლებები.
რედაქციაში შემოსული
მასალები უკან არ ბრუნდება.
სტატიაში მოყვანილ ფაქტებსა
და ინფორმაციის სიზუსტეზე
პასუხს აგებს ავტორი. პრეტენზიის
შემთხვევაში დაგვიკავშირდით
14 დღის განმავლობაში.